

四庫全書

史部

欽定四庫全書

史部

文獻通考卷八十九

詳校官內閣學士臣尹壯圖

編修臣程嘉謨覆勘

覆校官中書臣施光輅

校對官庶吉士臣陳墉

謄錄監生臣李敦源

欽定四庫全書

文獻通考卷八十八

鄱陽馬端臨

貴與著

郊社考二十一

祈禳

旅榮附
雩祭門

禱疾

祓除

難

禱水旱已見

太祝掌六祝之辭以事鬼神示祈福祥求永貞一曰順

祝二曰年祝三曰吉祝四曰化祝五曰瑞祝六曰筴祝

祝之秀友永長也貞正也求多福歷年得正命也
鄭司農云順祝順豐年也年祝求永貞也吉祝祈福祥

也化祝弭災兵也瑞祝逆時雨寧風旱也災祝遠罪疾也疏曰此六祝皆是祈禱之事皆有辭說以告神故云六祝之辭鄭司農云順祝順豐年已下皆約小祝而說順祝當小祝順豐年年祝當求永貞吉祝當祈福祥化祝當弭災兵云瑞祝逆時雨寧風旱也者此二者似若天之應瑞故總謂之瑞祝云災祝遠罪疾者自此以上差次與小祝不同唯有災祝與小祝遠罪疾相當宜為一也黃氏曰災祝命龜筮之辭也鄭見金縢史乃災祝為禱疾之事故以為遠罪疾而不知金縢災祝正為命卜筮也小祝掌小祭祀將事侯禋禱祠之祝號以祈福祥順豐年逆時雨寧風旱彌裁兵遠罪疾疏曰掌小祭祀者即是將事侯禋已下禱祠之事是也小祭祀與將事侯禋已下作目將事侯禋禱祠祝號又與祈福祥順豐年已下為目祈福祥順豐年逆時雨三者皆是侯寧風旱彌裁兵遠罪疾三者即是禱求福謂之禱報賽謂之祠皆有祝號故總謂之禱祠之祝號祈福祥

已下不言一日二日者大祝已言訖小祝佐大祝行事
故畧而不言亦欲見事起無常故不言其次第黃氏

曰所謂祈順逆寧彌遠與大祝六祝相參錯但小祝所
掌皆小祭祀不為辭掌其祝號而已肆師與祝侯禋

於壘及郊注曰侯禋小祝職也壘五百里遠郊百里近
郊五十里疏曰侯者侯逆善祥禋者禋去殃氣故肆師

與小祝為此
侯禋二事

掌六祈以同鬼神示一曰類二曰造三曰

禋四曰禋五曰攻六曰說

造七報反禋音詠祈謂有
災變號呼告神以求福天神

人鬼地祇不和則六癘作見故以祈禮同之鄭司農云
類造禋禋榮攻說皆祭名也類祭於上帝詩曰是類是禋

爾雅曰是類是禋師祭也司馬法曰將用師乃告於皇
天上帝日月星辰以禱於后土四海神祇山川冢社乃

造於先王然後冢宰徵師於諸侯曰某國為不道征之
以某年某月某日師至某國禋日月星辰山川之祭也

春秋傳曰日月星辰之神則雪霜風雨之下時於是乎
榮之山川之神則水旱癘疫之災於是乎榮之元謂類
造加誠肅求如志禴榮告之以時有災變也攻說則以
辭責之榮如日食以朱絲營社攻如其鳴鼓然董仲舒
救日食祝曰昭昭大明殲滅無光奈何以陰侵陽以卑
侵尊是之謂說也禴未聞焉造類禴榮皆有牲攻說用
幣而已疏曰鄭知類造禴榮皆有牲者按禮記祭法
云埋少牢於泰昭祭時也下云幽榮祭星雩榮祭水旱
鄭注云凡此以下皆祭用少牢榮既用牲故知類造亦
皆有牲故云皆有牲也知攻說用幣者是日食伐鼓之
屬天災有幣無牲故知用幣而已詩云靡愛斯牲是也
舜典肆類于上帝見因祭篇立君條王制天子將
出類于上帝造乎禴見巡守及征伐條大祝大師造
于祖類上帝及肆師類造上帝並見征伐條王制諸
侯將出造乎禴及大祝造于廟並見會同條榮祭見百
神篇榮酺條國有大故天裁彌祀

社稷禱祠

大故兵寇也天災疫癘水旱也彌猶徧也徧祀社稷及諸所禱既則祠之以報焉春官

肆

師若國有大故則令國人祭注曰大故謂水旱凶

荒所令祭者社及崇醕崇音詠醕音蒲疏見百神篇

崇醕條都宗人國有大故則令禱祠既祭反命于國

注曰令令都之有司也祭謂報賽也反命還白王賽

西代反家宗人國有大故則令禱祠反命祭亦如之

注曰以王命令禱祠歸白王於獲福又以王命令祭之

還又

反命

小宗伯大哉及執事禱祠于上下神示凡王之會同軍

旅甸役之禱祠肆儀為位國有禍哉則亦如之凡天地

之大哉類社稷宗廟則為位

執事大祝及男巫女巫巫也求福曰禱得求曰祠諫曰

禱爾于上下神祇鄭司農云小宗伯與執事共禱祠禱
祈禮輕類者依其正禮而為之疏曰禍哉謂國遭水
旱凶荒則有禱祠之事故云亦如之天哉謂日月食星
辰奔殞地哉謂震裂則類祭社稷及宗廟則亦小宗伯
為位祭之

春官

小子凡沉辜侯禳飾其牲

鄭司農云沉謂祭川爾雅曰浮沉辜謂磔牲以祭

也月令曰九門磔禳以畢春氣侯禳者侯四時惡氣禳
去之也夏官小子祈五祀見釁條羊人凡沈辜

侯禳釁積共其羊牲疏曰祭天用犢其日月已下有
羊者雞人凡祭祀面禳釁共其雞牲疏曰司農云面

禳四面禳則侯禳禳謂禳去惡祥也春官地官牧
人凡外祭毀事用扈可也注曰外祭謂表貉及王行所

過山川用事者扈謂雜色不純毀謂齏辜侯禳毀除殃
咎之屬疏曰按宗伯云齏辜祭四方百物而引九門磔

禳又按小祝職云將事侯禳皆是祈除殃害非常之祭用扈之類故引以為證也扈亡江反

男巫

掌望祀望衍授號旁招以茅

衍注音延疏曰云望祀者類造禋禋崇遙望而祀之云

望衍者衍延也是攻說之禮遙望延其神以言語責之云授號者此二者皆詛祝授以神號云旁招以茅者旁謂四方此男巫於地官祭此神時則以茅招之於四方也元謂破衍為延者衍字於六祈義無所取故破從延云望祀謂有牲渠盛者注大祝已云類造禋禋皆有牲攻說用幣而巳有牲則有黍稷故此兼云案盛者也云延進也謂但用幣致其神者此即攻說用幣而巳是也云二者詛祝所授類造攻說禋禋之神號男巫為之招者以其授號文承二者之下故知此六神皆授之號云授號知是詛祝者按詛祝而知也注及黃氏說見地示

篇四
望條

冬堂贈無方無算

堂贈謂逐疫也無方四方為可也無算道里無數遠益善也元

謂冬歲終以禮送不祥及惡夢皆是也其行必由堂始
巫與神通言當東則東當西則西可近則近可遠則遠
無常數 春官 女巫掌歲時祓除釁浴注曰歲時祓
除如今三月上巳如水上之類釁浴謂以香薰草藥沐
浴疏曰一月有三巳據上旬之巳而為祓除之事見今
三月三日水上戒浴是也 占夢季冬乃舍萌於四方
以贈惡夢注曰元謂舍讀為釋舍萌猶釋菜也古書釋
菜釋奠多作舍字萌菜始辭也贈送也欲以新善去故
惡疏曰元謂舍萌猶釋菜也者按王制有釋菜奠幣之
事故從之 秋官庶氏掌除毒蠱以攻說禳之嘉草攻
之凡毆蠱則令之比之注曰毒蠱虫物而病害人者賊
律曰敢蠱人及敎令者棄市攻說祈名祈其神求去之
也嘉草藥物其狀未聞攻之謂熏之令之比之謂使為
之又校比之疏曰攻說禳之據去其神也嘉草攻之據
去其身也云毆之止謂用嘉草熏之時并使人毆之既
役人衆故須校比之 翦氏掌除蠹物以攻榮攻之以

莽草熏之凡庶蠱之事疏曰庶除故以六祈而言之以莽草熏之據去其身也

傳莊公二十五年六月辛未朔日有食之鼓用牲于

社左氏曰非常也唯正月之朔慝未作

正月夏之四月周之六月

謂正陽之月令書六月而傳云唯者明此月非正陽月也慝陰氣正音政

日有食之於是

乎用幣于社伐鼓于朝

食於正陽之月則諸侯用幣于社請救於上公伐鼓於朝

退而自責以明陰不宜侵陽臣不宜掩君以示大義

公羊子曰日食則曷為鼓

用牲于社求乎陰之道也以朱絲營社或曰脅之或

曰為閹恐人犯之故營之

社者土地之主也月者土地之精也上繫於天而犯

日故鳴鼓而攻之脅其本也朱絲營之助陽抑陰也
或曰為闇者社者土地之主尊也為自光盡天闇冥
恐人犯歷之故營之然此說非也記或傳者示不欲
絕異說耳疏曰云知其非者正以日食陰氣侵陽
社官五土之神理宜抑之而
反營衛失抑陰之義故也穀梁子曰言日言朔食

正朔也鼓用牲鼓禮也用牲非禮也天子救日置五

麾陳五兵五鼓

麾旗幟也五兵予戟鉞楯弓矢

諸侯置三麾陳三鼓

三兵大夫擊門士擊柝言充其陽也

凡有聲皆陽事以厭陰氣柝兩

木相擊充實也

疏曰五麾者廉信云各以方色之

旌置之五處也五兵者徐邈云予在東戟在南鉞在

西楯在北弓矢在中央五鼓者廉信徐邈並云東方
青鼓南方赤鼓西方白鼓北方黑鼓中央黃鼓按五

兵有五種未審五鼓是一鼓有五種為當五種之鼓也何者周禮有六鼓雷鼓靈鼓路鼓鼗鼓磬鼓晉鼓之等若以為五種之鼓則不知六鼓之內竟去何鼓若以為一種之鼓則不知六鼓之內竟取何鼓

文公十五年六月辛丑朔日有食之鼓用牲于社左

氏曰非禮也日有食之天子不舉

去盛饌

諸侯用幣于

社

社尊於諸侯故請救而不敢責之

伐鼓于朝以昭事神訓民事君

天子不舉諸侯用幣所以示有等威古之道也

等威威儀

等差

昭公十七年六月甲戌朔日有食之左氏曰祝

史請所用幣昭子曰日有食之天子不舉伐鼓于社

諸侯用幣于社伐鼓于朝禮也平子禦之曰止也唯

正月朔慝未作日有食之於是乎有伐鼓用幣禮也

其餘則否太史曰在此月也

正音政 正月謂建巳正陽之月也於周謂六

月於夏為四月慝陰氣也四月純陽用事陰氣未動而侵陽災重故有伐鼓用幣之禮也平子以為六月非正月故太史答言平子弗從昭子退曰夫子將有

異志不君君矣

安君之災故曰有異志 疏曰日食陰侵陽臣侵君之象救日食所以助

君抑臣也平子不肯救日食是不君事其君也

齊有彗星

出齊之分野不書魯不見 疏

曰出齊之分野於元枵之次也彗即孛也文十四年有星孛入于北斗十七年有星孛于大辰皆書此不

書者時魯不見或陰不見

齊侯使禳之晏子曰無益也祇取誣焉

且天之有彗也以除穢也君無穢德又何禳焉若德之穢禳之何損詩曰惟此文王小心翼翼昭事上帝聿懷多福厥德不回以受方國君無違德方國將至何患於彗詩曰我無所監夏后及商用亂之故民卒流亡若德回亂民將流亡祝史之為無能補也公說乃止

昭公二十六年左氏傳

哀公六年有雲如衆赤鳥夾日

以飛三日楚子使問諸周太史周太史曰其當王身

乎

日為人君妖氣守之故以為當王身雲在楚上唯楚見之故禍不及他國

若縈之可移

於令尹司馬王曰除腹心之疾而寘諸股肱何益不

穀不有大過天其夭諸有罪受罰又焉移之遂弗縈

春秋左氏傳

昭公十七年冬有星孛于大辰左氏曰有

星孛于大辰西及漢

夏之八月辰星見在天漢西令孛星出辰西光芒東及天漢

鄭裨竈言於子產曰宋衛陳鄭將同日火若我用瓊

聶玉瓚鄭必不火

瓚瓚也聶玉爵也瓚勺也欲以饗火

子產弗與十八

年夏五月火始昏見

火心星

丙子風梓慎曰是謂融風

火之始也

東北曰融風融風木也木火母故曰火之始疏曰東北曰融風易緯作調風俱是

東北風一風有二名東北木之始故融風為木也木是火之母火得風而盛故融為火之始七日

其火作乎

從丙子至壬午七日壬午水火合之日故知當火作

戊寅風甚壬午

大甚宋衛陳鄭皆火梓慎登大庭氏之庫以望之

大庭

氏古國名在魯城內魯於其處作庫高顯故登以望氣參所占以審前日之言

曰宋衛陳鄭

也數日皆來告火裨竈曰不用吾言鄭又將火

前年裨竈

欲用瓊筭禳火子產不聽今復請用之

鄭人請用之子產不可子大叔

曰寶以保民也若有火國幾亡可以救亡子何愛焉

子產曰天道遠人道邇非所及也何以知之竈焉知

天道是亦多言也豈不或信

多言者或時有中

遂不與亦不

復火

傳言天道難明雖裨竈猶不足以盡知之

昭公十八年夏五月宋

衛陳鄭災左氏曰鄭子產使子寬子上巡羣屏攝至

於大宮

二子鄭大夫屏攝祭祀之位大宮鄭祖廟巡行宗廟不得使火及之行去聲

疏曰楚

語說事神之禮云使名姓之後能知犧牲之物麋器之量屏攝之位壇場之所而心率舊典者為之宗知

屏攝是祭祀之位也鄭衆云攝攝束茅以為屏蔽其事或當然使公孫登徙大龜

登開

卜大

使祝史徙主祔於周廟告於先君

祔音石 注 疏見宗廟篇

中主
除 明日使郊人助祝史除於國北

疏曰郊人當謂郊內鄉之人也

祝史掌祭祀之官也使此鄉人助祝史除地在城之北作壇場為祭處也就國北者南為陽北為陰就太

陰禳火也 禳火於元冥回祿

元冥水神回祿火神 疏曰月令冬云其神元冥知元冥

水神也周語云夏之亡也回祿信於黔隧先儒注左傳及國語者皆云回祿火神或當有所見也祭水神欲令水抑火祭火神欲令火自止禳其餘災慮更火也

三日哭七月鄭子產為

火故大為社祓禳於四方振除火災禮也

振棄也

宋災

二師令四鄉正敬享

二師左右師也鄉正鄉大夫享祀也 疏曰宋國之法二師分

掌其方左右各掌其二鄉并言其事故云二師命四鄉正也費誓云魯人三郊三遂則魯立三鄉此云命

四鄉正則宋立四鄉也周禮鄉為一軍大國三軍宋是大國不過三軍而有四鄉者當時所立非正法也於是宋置六卿況四鄉乎敬享不知所享何神周禮大祝國有天災乃彌祀社稷禱祠

祝宗用

馬於四墉祀盤庚於西門之外

祝大祝宗宗人墉城也用馬祭於四城以

禳火盤庚殷王宋遠祖城積陰之氣故祀之凡天災有幣無牲用馬祀盤庚皆非禮疏曰周禮大祝掌六祝之辭以事鬼神示祈福祥小宗伯掌建國之神位特牲少牢士大夫之祭祀也皆宗人掌其事然則諸是祭神言辭大祝掌之禮儀宗人掌之故所有祭祀皆祝宗同行此事

晉侯問於士弱

曰吾聞之宋災於是乎知有天道何故

問宋何故自知道將災

對曰古之火正或食於心或食於味以出內火是故

味為鶉火心為大火

謂火正之官配食於火星也建辰之月鶉火星昏在南方則令

民放火建戌之月大火星伏在日下夜不得見則令民內火禁放火疏曰周禮司燿掌行火之政令季

春出火民咸從之季秋內火民亦如之鄭司農云以三月昏心星見於辰上使民出火九月黃昏心星伏

在戌上使民內火建辰之月即月令季春之月日在

胃昏七星中南方七星有井鬼柳星張翼軫七者共為朱鳥之宿星即七星也味謂柳也春秋緯文耀鉤

云味謂鳥陽七星為頸宋均注云陽猶首也柳謂之味味鳥首也七星為朱鳥頸也味與頸共在於午者

鳥之止宿口屈在頸七星與味體相接連故也鶉火

星昏而在南方於此之時令民放火味星為火之候故於十二次味為鶉火也建戌之月即月令季秋之

月日在房東方七宿角亢氐房心尾箕七者共為蒼龍之宿釋天云大辰房心尾也大火謂之大辰孫炎

曰龍星明者以為時候大火心也。在中最明故時候主焉。以是故此傳心為大火九月日體在房房心相近與日俱出俱沒伏在日下不得出見故令民內火禁放火也。火官合配其人蓋多不知誰食於心誰食於味也。此傳鶉火大火共為出內火之候。周禮之注不言味者以味非內火之候故唯指大火以解出內之文故其言不及味也。陶唐氏之火正閼伯居商丘。氏之子傳

曰遷閼伯於商丘主辰辰大火也。今為宋星然則商邱在宋地。疏曰爾雅以大火為大辰是辰為大火也。昭公七年傳曰宋大辰之虛是大火為宋星也。閼伯居商邱祀大火。今大火為宋星則知宋亦居商邱也。以此明之故云然則商邱在宋地。也釋例云宋商商邱三名一地。祀大火而火紀時

焉。謂出內火時

相土因之故商主大火

相土契孫商之祖也始代閼伯之後

居商邱
祀大火
商人閱其禍敗之釁必始於火是以日知其

有天道也

閱猶數也商人數所更歷恒多火災宋是殷商之後故知天道之災必火數所主

反
襄公九年

梁山崩晉侯以傳召伯宗

傳中繼反傳驛

年左氏傳

伯宗辟重曰辟傳

傳乃重載之車也

重人曰待我不如捷之

速也

捷邪出

問其所曰絳人也問絳事焉曰梁山崩將

召伯宗謀之問將若之何曰山有朽壤而崩可若何

國主山川

主謂所主祭

故山崩川竭君為之不舉

為于偽反去

盛
降服

損盛

乘縵

縵武旦反又莫半反車無文

徹樂

息八音

出次

舍於

郊祝幣

陳王帛

史辭

自罪青

禮焉

禮山川

其如此而已雖伯

宗若之何伯宗請見之

見之於晉君

不可

不肯見

遂以告而

從之

成公五年左氏傳國語晉語同

莊公三十二年秋七月有

神降于莘

有神聲以接人莘號地

惠王問諸內史過曰是何故

也

過古禾反內史過周大夫

對曰國之將興明神降之監其德

也將亡神又降之觀其惡也故有得神以興亦有以

亡虞夏商周皆有之

亦有神異

王曰若之何對曰以其物

享焉其至之日亦其物也

享祭也若以甲乙日祭先脾王用蒼服上青以此類

祭王從之內史過往聞虢請命聞虢請於神求反曰

虢必亡矣虐而聽於神神居莘六月虢公使祝應宗

區史囂享焉神賜之土田祝大祝宗宗人史大史應區囂皆名史囂曰

虢其亡乎吾聞之國將興聽於民政順民心將亡聽於神

求福於神神聰明正直而壹者也依人而行唯德是與虢多涼

德其何土之能得涼薄也為僖二年晉滅下陽傳楚共王無冢適

有寵子五人無適立焉乃大有事于羣望羣望星辰山川而

祈曰請神擇於五人者使主社稷乃徧以璧見於羣

望曰當璧而拜者神所立也誰敢違之既乃與巴姬

密埋璧於大室之庭

大室音泰巴姬共王妾大室祖廟昭公十三年左氏傳

尚書大傳曰維王后元祀

王謂禹也后君也祀年也禹始居攝為君之年也

帝令大禹步于上帝

帝舜也步推也帝令禹推演天道謂觀得失反覆也維時

洪祀六沴用咎于下

用此時始大祀六沴之用咎于下者

禹乃共辟厥

德受命休令爰用五事建立王極一曰貌貌之不恭

是謂不肅

肅敬也君貌不恭則是不能敬其事也

厥咎狂

君臣不敬則倨慢如狂矣

厥罰恒雨

貌曰木木主春春氣生生氣失則踰其節故恒雨也

厥極惡

生氣失故於人

一則為惡

時則有服妖

服貌之飾

時則有龜孽

龜蟲之生於水而遊於春者也

屬木

時則有雞禍

雞畜之有冠翼者也屬貌

時則有下體生於上之

疢

疢病也貌氣失之病

時則有青青祥維金沴木次二事曰

言言之不從是謂不乂

君言不從則是不能治其事也

厥咎僭

君臣不治

則僭差矣

厥罰恒暘

言曰金金主秋秋氣殺殺氣失故恒暘也

厥極憂

殺氣失者於人

為憂時則有詩妖

詩以言志

時則有介蟲之孽

蜃蟲蝸蟬之類蟲生於火

而藏於秋者屬金

時則有犬禍

犬畜之以口吠守者也屬言

時則有口舌

之疢

言氣失病也

時則有白青白祥維木沴金次三事曰

視視之不明是謂不聰

越為瞭也君視不明是謂不能瞭其事也

厥咎茶

君視不瞭則茶緩也

厥罰恒燠

視曰火火主夏夏氣長長氣失則恒燠也

厥極疾

失故於人為疾

時則有草妖

物可見者莫衆於草也

時則有保蟲之孽

時則有羊禍

羊畜之遠視者也屬火

時則有目病時則有赤青

赤祥維水沴火次四事曰聽聽之不聰是謂不謀

君聽

不聰則是不謀其事也

厥咎急厥罰恒寒

聽曰水水主冬冬氣藏藏氣失故恒寒也

厥極貧

藏氣失故於人為貧

時則有鼓妖

鼓聽應也

時則有豕禍

豕畜

之居閑衛而聽者也屬水

時則有耳病

聽氣失之病

時則有黑青黑祥

維火沴水次五事曰思心思心之不容是謂不聖當容

為睿睿通也心明曰聖孔子說休徵曰聖者通也兼

四而明則所謂聖聖者包貌言視聽而載之以思心

者通以待之君思心不通

厥咎

雩雩冒也君臣心不明則相象冒矣

厥罰恒風

思心曰土土王四時主消息生殺長藏之氣風亦出內雨暘寒燠之徵皆所以殖萬

物之性命者也殖氣失故恒風厥極凶短折殖氣失則於人為凶短折未亂曰凶未冠曰短

未婚曰折時則有脂夜之妖夜讀時則有華孽華當為夸

生於土而牛畜之時則有牛禍牛畜之時則有心腹之病思

遊於土者任重者時則有金木水火沴土志論

氣失之病時則有黃青黃祥時則有金木水火沴土

皆言

君不寬容則地動元或疑焉今四行來於土地乃動

臣下之相師為畔逆之象君不通於事所致也以為

不寬容亦皆為陰王之不極是謂不建王君也言王

勝陽臣強之異者五事象五

行則王極象天也人法天元氣劉子駿傳曰

純則不可以一體而言之也厭咎眊

不立則上厭咎眊劉子駿傳曰

下亂也厭咎眊劉子駿傳曰

剛德剛氣失射人將發夫必先於此儀

故於人為弱時則有射妖射人將發夫必先於此儀

將出政亦先於朝廷度之出時則有龍蛇之孽龍蛇之孽

則歷於民心射其象者也時則有龍蛇之孽龍蛇之孽

淵行於無形過於天者也屬天時則有馬禍馬畜之

蛇龜之類或曰龍無角曰蛇時則有馬禍馬畜之

疾行時則有下人伐上之病時則有日月亂行星辰

者也時則有下人伐上之病時則有日月亂行星辰

逆行

亂謂薄食闕並是逆謂盈縮反明經天守舍之類

維五位復建辟厥沴

君失五事則五行相沴違其位復立之者明其變異則改過以共禦之又必齊肅祭祀以撫其神則凶咎

可除矣

曰二月三月維貌是司四月五月維視是司六

月七月維言是司八月九月維聽是司十月十一月

維思心是司十二月與正月維王極是司

司主也

凡六

沴之作歲之朝月之朝日之朝則后王受之歲之中

月之中日之中則正卿受之歲之夕月之夕日之夕

則庶民受之

自正月盡四月為歲之朝自五月盡八月為歲之中自九月盡十二月為歲之

夕上旬為月之朝中甸為月之中下旬為月之夕平旦至食為日之朝禺中至日昃為日之中下晡至黃昏為日之夕受之謂受其凶咎也

其二辰以次相將其次受

二辰為日月也

假令歲之朝也日月月中則上公受之日月夕則下公受之日月朝則大夫受之歲之夕也日月朝則上士受之日月中則下士受之其餘差以尊卑多少則悉矣

禦貌於喬忿

止貌之失者在於去

驕忿驕忿者是不恭之刑也謂若傲狠明德忿戾無期之類也

以其月從其禮祭之

叁乃從

從順也叁祭之其神乃順不怒也

禦言於訖衆以其月從其

禮祭之叁乃從

訖止也止言之失者在於去止衆止衆者是不從之刑也止衆謂若周威

厲王弭諧謗以障民口之類也

禦視於忽似以其月從其禮祭之叁

乃從

止視之失者在於去忽似忽似者是不明之刑也謂若亂於是非象共滔天及不辨鹿馬之類

禦聽於休攸以其月從其禮祭之參乃從

止聽之失者在於去

休攸休攸者是不聽之刑也若老夫灌灌小子蹻蹻誨爾諄諄聽我藐藐之類

禦思心於有

尤以其月從其禮祭之參乃從

尤過也止思心之失者在於去欲有所過

欲者是不審之刑也是若昭公不知禮而習小儀不修政而欲誅季氏之類也

禦王極於宗

始以其月從其禮祭之參乃從

宗尊也止王極之失者在於尊用始祖之

法度不言惡者人性備五德得失在斯王不及則五事皆失非一惡也大者易姓小者滅身其能宗始則錄延其受命之君承天制作猶天之教命也故掌祖廟之藏者謂之天府

六沴之禮散齊

七日致齋三日新器潔祀用赤黍朝於中庭祀四方

從東方始卒於北方其祀禮曰格祀

篇名也
今亡

大宗伯國有大故則旅上帝及四望

故謂凶歲旅陳也
陳其祭祀以祈焉

禮不如祀之備也上帝五帝也元
謂四望五嶽四鎮四瀆

春官

典瑞四圭有邸以

祀天旅上帝

注疏見
祀天禮

兩圭有邸以祀地旅四望

注疏見
祀地禮

大旅共玉噐而奉之

玉噐謂四圭裸
圭之屬同上

掌次王大旅上

帝則張氈案設皇邸

注疏見祭物
篇選几條

職金旅于上帝則

共其金版

金餅謂之版此版
所施未聞

秋官

司尊彝大喪存奠彝大

旅亦如之

旅者國有大故之祭也亦存其奠奠則陳之
不即徹疏曰云不即徹則與上注奠者朝

夕乃徹義異但上經據人鬼日出逮日放其去來於陰
陽此天神無此義但不即徹不必要至夕也春官上

眠瞭掌凡樂事播鼗擊頌磬笙磬

頌音容眠瞭播鼗又擊磬磬在東

方曰笙笙生也在西方曰頌頌或作庸庸功也大射禮
曰樂人宿縣於阼階東笙磬西面其南笙鐘其南鐃皆
南陳又曰西階之西頌磬東

掌大師之縣

大師當縣則為之疏曰

大師掌六律六同五聲八音以其無目於音聲審

凡樂事相瞽

相謂扶工

大喪廡樂

器大旅亦如之

廡許金反疏曰大旅非常祭亦臨時乃造故云亦如之同上

笙

師掌教鼗竽笙塤箛簫篪篴管舂牘應雅以教祓樂

鼗

垂反等音于墳虛哀反牘音獨或
大錄反注疏見祭物篇樂條

大旅則陳之

陳於饌處而已

不泄其縣疏曰此經直言陳之明陳於饌處而已不
臨其縣其臨縣者大司樂云大喪臨廡樂器注云臨笙

師鐻師之屬是也

同上 大卜凡旅陳龜

陳龜於饌處也士喪禮曰卜人先奠龜于西塾

正南首是也不親貞龜亦以卜旅祭非常輕於大遷大
師疏曰饌處謂在西塾南首故引士喪禮為証也

同上 龜人若有祭事則奉龜以往旅亦如之注曰奉
猶送也送之所當卜疏曰旅謂祈禱天地及山川之類

陳氏禮書曰旅非常祭也國有大故然後旅其羣

神而祭之則荆岐既旅蔡蒙旅平九山刊旅者以

水災耳推此則凡所遭之大故皆凶災之類也考

之於禮天子所次之位則張氈案設皇邸所奠之
圭則四圭有邸所用之版則金版至於司尊彝之
存奠奠笙師之陳樂器眡瞭之廡樂器皆如大喪
之禮言奠則非純乎祭也言存則非即徹之也陳
樂而不懸廡樂而不鼓非以其凶灾邪周官或言
大旅或言旅蓋故有大小而旅亦隨異也然大旅
之禮不若祀天之為至也故曰大旅具矣不足以
享帝若夫旅四望山川則所次不以氈案皇邸所

用不以金版而所用之圭則兩圭有邸而已

大祝掌六祈以同鬼神四曰禳

禳崇敬反 禳日月星辰之祭也如日食以朱

絲營社有牲 疏曰祭法埋少牢於泰昭祭時也下云幽禳祭星雩禳祭水旱皆用少牢

黨正及四時之孟月吉日則屬民而讀邦法以糾戒之

春秋祭禳亦如之

禳謂雩禳水旱之神蓋亦為壇位如祭社稷云 疏曰禮記祭法云雩禳

祭水旱按昭公元年左氏傳子產云水旱癘疫之不時於是乎禳之皆是禳祭水旱神也大司徒及封人等皆云社稷有壇又祭法王官祭日及雩禳祭水旱等皆是壇名故知亦如社稷有壇位無正文故言云以疑之也

官地

族師月吉則屬民而讀邦法

月吉每月朔日也
云月吉每月朔日也者以

疏曰

其彌親民教亦彌數故

春秋祭酺亦如之

酺音步或音蒲 酺者為

十二月朔日皆讀之

人物哉害之神也故書酺或為步杜子春云當為酺元謂校人職又有冬祭馬步則未知此世所云蜚螟之酺

與人鬼之步與蓋亦為壇位如雩祭云族長無飲酒之禮因祭酺而與其民以長幼相獻酬焉 蜚悅全反步

與音餘 疏曰鄭知酺者為人物哉害之神者凡國之所祭者皆恐與人物為哉害謂若州長黨正所祭社禘

亦為水旱與人物為哉害明此亦是恐與人物為哉害之神也但此經云酺不知何神故舉漢法以況之但漢

時有蜚螟之酺神又有人鬼之步神未審此經酺定當何酺故兩言之以無正文故皆云與以疑之也按上州

長春秋習射有飲酒禮黨正十月農功畢亦有飲酒禮皆得官物為之今此族卑不得官物為禮故云族長無

飲酒禮也鄭知因祭酺有民飲酒之禮者按禮記禮器云周旅酺六尸曾子曰周禮其猶酺與鄭注彼云合錢飲酒為酺即引王居明堂禮乃命國酺鄭據禮器明堂禮皆有酺法酺即合錢飲酒以不得官酒故須合錢爾同上閭胥各掌其閭之徵令凡春秋之祭祀聚衆庶既比則讀法書其敬敏任恤者注曰鄭司農云二十五家為閭祭祀謂州社黨崇族酺也及比皆會聚衆民因以讀法以勅戒之疏曰旅師以上官尊讀法雖稀稠不同皆有時節但閭胥官卑而於民為近讀法無有時節但是聚衆庶比之時節讀法故云既比則讀法云書其敬敏任恤者以上書其德行道藝今此閭胥親民更近故除任恤六行之外兼記敬敏者也鄙師各掌其鄙之祭祀注曰祭祀祭崇也疏曰五百家為鄙鄭長各掌其鄙之政令疏曰一鄙五鄰故云各掌其鄙之政令云治其祭祀者謂若族祭酺之類鄙作管反春官肆師若國有大故則令國人祭歲時之祭祀亦如之

注曰大故謂水旱凶荒所令祭者社及禋酺疏曰云命國人祭按地官州祭社黨祭禋族祭酺於六遂之中亦縣祭社鄙祭禋鄴祭酺皆是國人所祭之事也凡言歲時者謂歲之四時月令唯見一時故鄭云此其一端也

官
春

傳山川之神則水旱癘疫之災於是乎禋之日月星

辰之神則雪霜風雨之不時於是乎禋之

注疏見久雨禱條

右祈禳

旅禋附

女祝掌王后之內祭祀凡內禱祠之事

內祭祀六宮之中竈門戶禱疾

病求瘳也祠報祠

疏曰婦人無外事無行與中雷之等其竈與門戶人所出入動作所由后亦當祀之故言

竈與門戶也按月令春祀戶夏祀竈秋祀門后祀之時亦當依此也后無外事禱祠又是非常之祭故知唯有求瘳報福掌以時招梗禳禳之事以除疾殃時者謂隨

其事時不必要在四時也云招者招取善祥梗者禦捍惡之未至禳者除去見在之災禳者推卻見在之變異此四者皆與人為疾殃故云以除疾殃也云四禮唯禳其遺象令存者此四禮至漢時招梗及禳不行唯禳一禮漢猶存其遺象故云遺象令存也天官男巫春招弭以除疾病元謂

為救字之誤也救安也安凶禍也招救皆有祀行之禮既曰知招救皆有祀行之禮者此招救為招福安禍與侯禋同在六祝有祭之法故知此二者亦有祀望行之禮可知衍音延春官疾病乃

行禱乎五祀盡孝子之情五祀博言之士二祀曰門曰行士喪禮

傳武王有疾周公作金縢

為請命之書藏之於匱絨之以金不欲人開之金

滕

遂以所藏為篇名

既克商二年王有疾弗豫

伐紂明年武王有疾不悅

豫

二公曰我其為王穆卜周公曰未可以戚我先王

召公太公言王疾當敬卜吉凶

疏曰

公乃自以為

止二公之卜云未可以憂怖我先王

功

周公乃自以請命為已事

為三壇同墠

因太王王季文王請命於天故為三壇壇築土

墠除地大除地

為壇于南方北面周公立焉

疏曰神位在壇

故周公立壇上對三王也

植璧秉珪乃告太王王季文王

璧以禮神植置

於三王之坐周公秉桓珪以為贊告謂祝辭

史乃冊祝曰惟爾元孫某邁

厲虐疾

疏曰史乃以策執以祝之曰惟爾元孫某某即發也過得危暴重疾令恐其死

若爾

三王是有丕子之責于天以旦代某之身

大子之責謂疾不可

救於天則當以旦代之

疏曰元云丕讀曰不愛子

孫曰子元孫遇疾若汝不救是將有不愛子孫之過

為天所責欲使為之

請命也與孔讀異

予仁若考能多材多藝能事鬼

神

我周公仁能順父又多材多藝能事鬼神言可以代武王之意

乃元孫不若旦多

材多藝不能事鬼神乃命于帝庭敷佑四方

汝元孫受命於

天庭為天子布其德教以佑助四方言不可以死

用能定爾子孫于下地四

方之民罔不祗畏

言武王用受命帝庭之故能定先人子孫於天下四方之民無不敬

畏 嗚呼無墜天之降寶命我先王亦永有依歸今我

即命于元龜爾之許我我其以璧與珪歸俟爾命

許謂

疾瘳待命當以事神

爾不許我我乃屏壁與珪

不許謂不愈也屏藏也言不得

事神

乃卜三龜一習吉

習因也以三王之龜卜一相因而吉

啟籥見書乃

并是吉

三兆既同吉開籥見占兆書乃亦并是吉

公曰體王其罔害

公視兆曰

如此兆體王其無害言必愈

予小子新命于三王惟永終是圖公

歸乃納冊于金縢之匱中王翼日乃瘳

從壇歸翼明瘳差也

子曰若爾三王是有丕子之責于天以旦代某之身此一畧先儒都解錯了惟有鼃以道說得好他解丕

子之責如史傳中責其侍子之責蓋云責三王之侍
子侍子指武王也上帝責其來服事左右故周公乞
代其死云以旦代某之身予仁若考能多材多藝能
事鬼神乃元孫不若旦多材多藝不能事鬼神用能
定爾子孫于下地四方之民罔不祇畏言三王有侍
子之責于天則不如以我代之我多材多藝能事上
帝武王不若我多材多藝不能事上帝你不如且留
他在世上定你之子孫與四方之民文意如此伊川
却疑周公不應自說多材多藝不是
如此蓋他只是要代武王之死而已

子疾病子路

請禱子曰有諸子路對曰有之誅曰禱爾于上下神

祇子曰丘之禱久矣

朱子曰禱謂禱於鬼神有諸問
有此理否誅者哀死而述其行

之詞也上下謂天地天曰神地曰祇禱者悔過遷善
以祈神之佑也無其禮則不必禱既曰有之則聖人

未嘗有過無善可遷其素行固已合於神明故曰丘之禱久矣又士喪禮疾病行禱五祀蓋臣子迫切之至情有不能自己者初不請於病者而後禱也故孔子之於子路不直拒之而但告以無所事禱之意

鄭子產聘于晉晉侯有疾韓宣子逆客私焉語私曰

寡君寢疾並走羣望

晉所望祀山川皆走往祈禱

有加而無瘳今

夢黃熊入于寢門其何厲鬼也對曰以君之明子為

大政其何厲之有昔堯殛鯀于羽山

殛誅也羽山在東海祝其縣西

南熊獸名亦作能如字一音奴來反三足鼈也解者云獸非入水之物故是鼈也一曰既為神何妨是獸按說文及字林皆云能熊屬足似鹿然則既熊屬又為鼈類今本作能者勝也東海人祭禹廟不用熊白

及鼈為饌斯豈
鰭化為二物乎

其神化為黃熊以入于羽淵實為夏

郊三代祀之

夏戶雅反
殷周二代又通

鰭禹父夏家郊祭之歷
在羣神之數并見祀

晉

為盟主其或者未之祀也乎

言周衰晉為盟主
得佐天子祀羣神

韓子

祀夏郊

祀鰭

晉侯有間

間差也
國語晉語及說苑並同

惟國語
昭公七年左氏傳

云祀夏郊董
伯為尸為異

楚昭王有疾卜曰河為崇王弗祭大

夫請祭諸郊王曰三代命祀祭不越望

諸侯望祀境
內山川星辰

江漢睢漳楚之望也

睢七餘反
曰江經南郡江夏

弋陽安豐漢
四水在楚界

疏

經襄陽至江夏安陸縣入江睢經襄陽至南郡枝江
縣入江漳經襄陽至南郡當陽入江是四水皆在楚

也界禍福之至不是過也不穀雖不德河非所獲罪也

遂弗祭孔子曰楚昭王知大道矣其不失國也宜哉

哀公六年
左氏傳

晉侯有疾鄭伯使公孫僑如晉聘且問

疾叔向問焉曰寡君之疾病卜人曰實沈臺駘為祟

史莫之知敢問此何神也子產曰昔高辛氏有二子

伯曰閼伯季曰實沈

駘他才反
閼於葛反

居于曠林不相能也

尋干戈以相征討后帝不臧

后帝堯也
臧善也

遷閼伯于商

邱主辰

商邱宋地主祀
辰星辰大火也

商人是因故辰為商星

商人
湯先

相土封商邱因關伯故
國祀辰星相息亮反

遷實沈于大夏主參

夏戶雅反參所

林反大夏
今晉陽縣

唐人是因以服夏商

疏曰謂之唐人當為陶唐之後二十

九年傳云陶唐氏既衰其後有劉
累知此唐人是彼劉累之等類也

其季世曰唐叔虞

唐人之季世
其君曰叔虞

當武王邑姜方震大叔

震本作娠之慎反又音申邑

姜武王后齊大公之女懷胎
為震大叔成王之弟叔虞也

夢帝謂已余命而子曰

虞將與之唐屬諸參而蕃育其子孫及生有文在其

手曰虞遂以命之及成王滅唐而封大叔焉故參為

晉星

疏曰叔虞為晉之祖故言晉侯也

由是觀之則實沈參神也昔

金天氏有裔子曰昧為元冥師生允格臺駘

金天氏帝少皞

裔遠也元冥水官昧為水官之長

疏曰昧為元冥

師師訓長也故云昧為水官之長二十九年傳云少

皞氏有四叔修及熙為元冥昧為金天裔子當是修

熙之後釋例曰修及熙皆為元冥未知昧為誰之子

或是其子孫也臺駘能業其官

纂昧之業

宣汾洮

汾扶分反洮他刀反宣猶通

也汾洮

障大澤

陂障之

以處太原

太原晉陽也臺駘之所居

帝用嘉

之封諸汾川

帝顓頊

沈姒蓀黃實守其祀

沈音審國臺駘之後

令晉主汾而滅之矣

滅四國

由是觀之則臺駘汾神也

抑此二者不及君身山川之神則水旱癘疫之災於

是乎崇之

有水旱之災則崇祭山川之神若臺駘者周禮四曰崇祭為營攢用幣以祈福祥

疏曰日月山川之神其祭非有常處故臨時營其地立攢表用幣告之以祈福祥也攢聚也聚草木為祭

處耳

攢

作管反

日月星辰之神則雪霜風雨之不時於是

乎崇之

星辰之神若實沈者

若君身則亦出入飲食哀樂之事

也山川星辰之神又何為焉

言實沈臺駘不為君疾昭元年左氏傳

宋公享晉侯於楚邱請以桑林

疏曰若非天子之樂則宋人不當請荀瑩

不須辭以宋人請而荀瑩辭明其非常樂也宋是殷

後得用殷樂知桑林是殷天子之樂名也經典言殷

樂為大獲而此復云桑林者蓋殷家本有二樂如周

之大武象舞也名為大獲則傳記有說湯以寬政治

民除其邪虐言能覆護下民使得其所故名其樂為大獲其曰桑林先儒無說唯書傳言湯伐桀之後大旱七年史卜曰當以人為禱湯乃剪髮斷爪自以為牲而禱於桑林之社而雨大至方數千里或曰禱桑林以得雨遂以荀瑩辭辭讓荀偃士句曰諸侯宋魯

於是觀禮

宋王者後魯以周公故皆用天子禮樂故可觀

魯有禘樂賓祭用

之

禘三年大祭則作四代之樂別祭羣公則用諸侯樂

疏曰劉炫曰禘是大禮賓得與同者享賓用

樂禮傳無文但賓禮既輕必異於禘魯以享賓當時之失用之已久遂以為常荀偃士句引過繆之事以諂晉侯使聽宋耳魯以禘樂享賓猶以十牢為士鞅吳以引徵百牢亦非正也

宋以桑林

享君不亦可乎

言具天子之樂也

舞師題以旌夏

疏曰舞師樂人之師

主陳設樂事者謂舞初入之時舞師建旌夏以引舞人而入以題識其舞人之首故晉侯卒見懼而退入于房也謂之旌夏蓋形制大而別為之名晉侯懼而退入於房旌夏非常卒見之人心偶有所畏去旌卒享而還及著雍疾卜桑林見荀偃士

勾欲奔請禱焉

奔走還宋請禱

荀瑩不可曰我辭禮矣彼則

以之猶有鬼神於彼加之

言自當加罪於宋

晉侯有間

間疾差也

差初賣反公十年左氏傳

襄

齊侯疥遂店

疥音戒梁元帝音該又作痾音皆店

失庶反疏曰後魏之世嘗使李繪聘梁梁人袁狎與繪言及春秋說此事云疥當為痾痾是小瘡店是大瘡店患積久以小致大非疥也狎之此言梁主之說也今人瘡有二日一發亦有頻日發者俗人仍呼

二日一發久不差者為痲瘡則梁主之言信而有證也是齊侯之瘡初二日一發後遂頻日熱發故曰齊瘡也先儒舊說皆為齊遂店初疥後瘡耳

期而不

瘳諸侯之賓問疾者多在

期音基瘳勅留反多在齊

梁邱據與

裔款言於公曰吾事鬼神豐於先君有加矣今君疾病為諸侯憂是祝史之罪也諸侯不知其謂我不敬

君盍誅於祝固史嚚以辭賓

欲殺嚚固以辭謝來問疾之賓

公說告

晏子晏子曰日宋之盟屈建問范會之德於趙武趙武曰夫子之家事治言於晉國竭情無私其祝史祭

祀陳信不愧其家事無猜其祝史不祈

屈居勿反家無猜疑之

事故祝史無求於鬼神

建以語康王康王曰神人無怨宜夫子

之光輔五君以為諸侯主也

語去聲五君文襄靈成景疏曰文公為戎右

襄靈為大夫成公為卿景公為太傅

公曰據與欵謂寡人能事鬼神故

欲誅於祝史子稱是語何故對曰若有德之君外內

不廢上下無怨動無違事其祝史薦信無愧心矣

有君

功德祝史陳說之無所愧

是以鬼神用享國受其福祝史與焉其

所以蕃祉老壽者為信君使也

祉音恥為子偽反

其言忠信

於鬼神其適遇淫君外內頗邪上下怨疾動作辟違

從欲厭私

辟匹亦反從子用反厭於豔反

高臺深池撞鐘舞女斬刈

民力輸掠其聚

刈魚廢反掠音畧

以成其違不恤後人暴虐

淫從肆行非度無所還忌不思謗讟不憚鬼神神怒

民痛無悛於心其祝史薦信是言罪也

以實白神是為言君之罪

其益失數美是矯誣也

數所主反妄數美善是

疏曰掩蓋愆失是之謂矯詐誣罔

也者進退無辭則虛以求媚

作虛辭以

是以鬼神不饗

其國以禍之祝史與焉所以天昏孤疾者為暴君使

也其言僭嫚於鬼神公曰然則若之何對曰不可為也徵斂無度宮室日更淫樂不違內寵之妾肆奪於

市外寵之臣僭令於鄙私欲養求不給則應民人苦

病夫婦皆詛祝有益也詛亦有損聊攝以東

聊攝齊西界也

平原聊城縣東北有攝城

姑尤以西

姑尤齊東界也姑水尤水皆在城陽郡東南入海

其

為人也多矣雖其善祝豈能勝億兆人之詛君若欲誅於祝史修德而後可公說使有司寬政毀闕去禁

薄歛已責

除逋責

十二月齊侯田于沛

沛音貝

言疾愈行獵沛澤名

昭公二十
年左氏傳

右禱疾

方相氏掌蒙熊皮黃金四目元衣朱裳執戈揚盾帥百

隸而時難以索室毆疫

難乃多反毆起俱反蒙冒也胃熊皮者以驚毆疫癘之鬼如

令魅頭也時難四時作方相氏以難卻凶惡也月令季冬命國難索廋也

魅音欺

疏曰云時難四時者按

月令唯有三時難鄭云四時者雖三時亦得云四時總言之也

夏官

春官占夢季冬令始難毆疫注曰令

令方相氏也難謂執兵以有難卻也

季春命國難九門磔攘以畢春氣

磔作伯反此難難陰氣也此月之中日行歷昴有大陵積尸之氣氣佚則厲鬼隨而出行命方相氏帥百隸

索室毆疫以逐之又磔牲以攘於四方之神所以畢仲止其災也王居明堂禮曰季春出疫于郊以攘春氣

秋天子乃難以達秋氣

此難難陽氣也陽暑至此不衰害亦將及人所以及人者陽氣

左行此月宿直昂畢昂畢亦得大陵積尸之氣氣佚則厲鬼亦隨而出行於是亦命方相氏帥百隸而難之王

居明堂禮曰仲秋九門磔攘以發陳氣禦止疾疫

李冬命有司大難旁磔出土

牛以送寒氣

此難難陰氣也難陰始於此者陰氣右行此月之中日歷虛危有墳墓四司之氣為

厲鬼將隨強陰出害人也旁磔於四方之門磔攘也出猶作也作土牛者丑為牛牛可牽止也送猶畢也疏

曰出土牛以送寒氣者出猶作也此時強陰既盛年歲已終陰若不去凶邪恐來歲更為人害其時月建丑又土能剋水持水之陰氣故特作土牛以畢送寒氣也熊氏引石氏星經云司命二星在虛北司祿二星在司命

北司危二星在司祿北司中二星在司危北史遷云四
司鬼官之長又云墳墓四星在危東南是虛危有墳墓
也四司之氣月令

傳鄉人讎朝服而立於阼階

朱子曰讎所以逐疫周禮方相氏掌之阼階東

階也讎雖古禮而近於戲亦必朝服而臨之者無所
不用其誠敬也或曰恐其驚先祖五祀之神欲其依
已而安也此一節記夫子居鄉之事鄉黨郊特
牲鄉人楊孔子朝服立于阼存室神也疏曰庾云楊
是強鬼之名謂鄉
人驅逐強鬼也

右難

漢制厲殃祀天地日月星辰四時陰陽之神以師曠配

之其壇常祀以禳災兼用三代葦茭桃梗五月五日朱索五色印為門戶飾以儼止惡氣

通典夏后氏金行初作葦茭言氣所交也

風俗通曰傳曰茭葦

有葦呂氏春秋曰始得伊尹被之於廟薰以茭葦故用葦者欲人之子孫蕃殖不失其類有如茭葦茭者交易陰陽代興之義也殷人水德以螺首慎其閉塞使如螺也

周人木德以桃為梗

梗更也言氣相更也

高帝八月被於霸上

文帝十三年詔曰祕祝之官移過於下朕甚弗取其除

之

十四年詔曰朕獲執犧牲珪幣以事上帝宗廟十四年
於今歷日彌長以不敏不明而久撫臨天下朕甚自愧
其廣增諸祀壇場珪幣昔先王遠施不求其報望祀不
祈其福右賢左戚先民後已至明之極也今吾聞詞官
祝釐釐福也賈誼傳受釐坐宣室是也音僖皆歸福於朕躬不為百姓朕
甚媿之夫以朕之不德而專饗獨美其福百姓不與焉
是重吾不德也其令祠官致敬無有所祈

後漢仲夏之月萬物方盛日夏至陰氣萌作恐物不楙其禮以朱索連葦菜彌牟朴蠱鍾以桃印長六寸方三寸五色書文如法以施之門戶 三月上巳官民皆絜

於東流水上曰洗濯祓除去宿垢疢為大絜

絜者言陽氣布暢萬

物訖出始絜之矣禊者絜也言自絜濯也

先臘一日大儺

譙周論語注曰儺却之也

謂

之逐疫

漢舊儀曰顓頊氏有三子生而亡去為疫鬼一居江水是為虎一居若水是為魍魎蜮鬼一居

人宮室區隅漚庾善驚人小兒月令章句曰日行北方之宿北方太陰恐為所抑故命有司大儺所以扶陽抑陰也盧植禮記注云

所以逐衰而迎新

其儀選中黃門子弟年十歲以上

十二以下百二十人為侂子皆赤幘皂裳執大鼗

漢舊儀曰

方相帥百隸及童女以桃弧棘矢土鼓鼓且射之以赤丸五穀播灑之燕周論語注曰以葦矢射之薛綜曰侂之言善善

童幼子也

方相氏黃金四目蒙熊皮元衣朱裳執戈揚

盾十二獸有衣毛角中黃門行之穴從僕射將之以逐

惡鬼於禁中夜漏上水朝臣會侍中尚書御史謁者虎

賁羽林郎將執事皆赤幘陞衛乘輿御前殿黃門令奏

曰侂子備請逐疫於是中黃門倡侂子和曰甲作食殂

賜胃食虎雄伯食魅騰簡食不祥攬諸食咎伯奇食夢

強梁祖明共食磔死寄生委隨食觀錯斷食巨窮奇騰

根共食蠱凡使十二神追惡凶赫女軀拉女幹節解女

肉抽女肺腸女不急去後者為糧

東京賦曰捐魑魅斷

耕父於清冷溺女魑於神潢殘夔魑與罔象殪豭仲

而穢游光注曰魑魅山澤之神獨狂惡鬼委蛇大如車

後方良草澤神耕父女魑皆旱鬼惡水故因溺於水中

之不能為害夔魑罔象木石之怪豭仲游光兄弟八人

罔在人間作怪害也孔子曰木石之怪夔罔兩水之怪

龍罔象臣昭曰木石山怪也夔一足越人謂山獫罔兩

山精好學人聲而迷惑人龍神物非常見故

曰怪罔象食人一名沐脰埤蒼曰獶狂無頭鬼

相與十二獸儻嚙呼周徧前後省三過持炬火送疫出

端門

東京賦曰煌火馳而星流遂赤疫於四裔注曰煌火光逐驚走煌然火光如星馳赤疫疫鬼惡者也

倭子合三行從東序上西序下也

門外駟騎傳炬出宮司馬闕門門外

五營騎士傳火棄雒水中

東京賦注曰衛士千人在端門外五營千騎在衛士外為

三部更送至雒水凡三輩逐鬼投雒水中仍上天池絕其橋梁使不復度還

百官官府各以

木面獸能為讎人師訖設桃梗鬱樛葦茨畢執事陞者

罷

山海經曰東海中有度朔山上有大桃樹蟠屈二千

里其畢枝門曰東北鬼門萬鬼出入也上有二神人
一曰神荼一曰鬱樛主閱領衆鬼之惡害人者執以葦索而用食虎於是黃帝法而象之歐除畢因立桃梗於門戶上畫鬱樛持葦索以禦凶鬼畫虎於門當食鬼也史記曰東至於蟠木風俗通曰黃帝上古之時有神荼

與鬱樞兄弟二人性能執鬼挑梗梗者更也歲終更始
受介祉也蘇秦說孟嘗君曰土偶人語挑梗令子東國
之桃木削子為人虎者陽物百
獸之長能擊鷙牲食臙魅者
葦戟挑杖以賜公卿將

軍特侯諸侯

漢宮名秩曰大將軍三公臘賜錢各三十萬牛肉二百斤粳米二百斛特侯十五萬

卿十萬校尉五萬尚書丞郎各萬五千千石六百石各
七千侍御史謁者議郎尚書令各五千郎官蘭臺令史
三千中黃門羽林虎賁士二人共三
千以為當祠門戶直各隨多少受地是月也立土牛

六頭於國都郡縣城外丑地以送大寒

月令章句曰是月之會建丑丑

為牛寒將極是故出其物類
形象以示送達之且以升陽

魏祀五郊六宗及厲殃

何晏議月令季春礪饗大雊非所以祀皇天也夫天道不諂不貳其命若之何饗之國有大故可祈於南郊至於祈禳自宜止於山川百物而已王肅云厲殃漢之淫祀耳日月有常位五帝有常典師曠自是樂祖無事於厲殃厲殃同人非禮噐雄黃等非禮飾漢文除祕祝所以稱仁明也陳留范宣曰舜有拂卯無礪雞及魏明帝大脩禳祭儀雞特禳宜之事礪雞宜起於魏卯本漢制所以輔卯金又宜魏所除也

晉制每歲朝設葦茭桃梗磔雞於宮及百寺之門以辟惡氣太始二年有司奏春分祀厲殃及禳祠詔曰不在祀典除之

晉公卿以下至於庶人皆禋洛水之側東晉元帝詔罷三日弄具

海西公於鍾山立流杯曲水延百僚

宋省磔禳之禮而郡縣往往猶存

齊以三月三日曲水會古禋祭也今相承為百戲之具

雕弄巧飾增損無常

通典說曰按楔與曲水其義參差晉趙王倫篡位
三日會天泉池誅張林懷帝亦會天泉池賦詩陸
機云天泉池南石溝引御溝水池西積石為楔堂
跨水流杯飲酒不言曲水韓詩曰鄭國之俗三月
上巳之日溱洧水之上招魂續魄秉蘭草祓除不
祥蔡邕曰今三月上巳祓於水濱蓋由此也凡言祓者社也以為祈介
社也一說三月三日清明之節將脩事於水側禱

祀以祈豐年也後漢杜篤云郭虞三月三日上辰
產二女上巳日產一女二日產三女並不育俗以
為大忌至此月巳日諱止家皆於東流水上為祈
禳自潔濯謂之禊祠引流行觴遂成曲水梁劉昭
曰郭虞之說良為虛誕假有庶人旬內天其三女
何足警彼風俗乎杜篤賦乃稱王侯公主暨於富
商用事伊洛帷幔元黃本傳大將軍梁商亦歌泣
於洛禊也馬融梁冀西第云西北戌亥元石承輸

蝦蟇吐寫庚辛之域即曲水之象劉楨魯都賦曰
素秋二七天漢指隅人胥祓禳國子永嬉此用七
月十四日也

魏孝文居文明太后喪服縗服太尉丕曰臣與尉元歷
事五帝魏家故事尤諱之後三月必迎神於西禳惡於
北具行吉禮自皇始以來未之或改帝曰若能以道事
神不迎自至苟失仁義雖迎不來此乃平日所不當行
况居喪乎

北齊正月晦日中書舍人秦叔除年暮上臺東宮奏擇吉日詣殿堂貴臣與帥行事所須皆移尚書省備設

齊制李冬晦選樂人子弟十歲以上十二以下為俛子又作方相氏與窮奇祖明十二獸逐惡鬼於禁中大略如漢制皇帝常服即御座王公執事官一品已下從六品以上陪列預觀儼者鼓譟入殿西門徧於禁中出殿南門分為六道出於郭外

隋制李春晦儼磔牲於宮門及城四門以禳陰氣秋分

前一日禳陽氣季冬旁磔大儺亦如之其牲每門各用
羝羊及雄雞一選倭子如後齊冬八隊二時儺則四隊
執事十二人赤幘禱衣執皮鞭工人二十二人其一人
方相氏黃金四目蒙熊皮元衣朱裳其一人為唱師着
皮衣執捧鼓角各十有司預備雄雞羝羊及酒於門外
為坎未明鼓譟以入方相氏執戈揚楯周呼鼓譟而出
合趣顯陽門分詣諸城門將出諸祝師執事預驅牲舐
磔之於門酌酒禳祝舉牲并酒埋之

唐制季冬大讎及州縣讎並見開元禮

大讎之禮前一日所司奏聞選人年十二以上十六以下為侁子著假面衣赤布袴褶二十四人為一隊六人作一行執事者十二人著赤幘禱衣執鞭工人二十二人其一人方相氏著假面黃金四目蒙熊皮元衣朱裳右執戈左執楯其一人為唱師著假面皮衣執捧鼓角各十合為一隊隊別鼓吹令一人大卜令一人各監所部巫師二人

令以下皆服平巾幘袴褶州縣讎方相四人執戈楯唱率四人侁子都督及上州六

十人中下州四十人縣皆二十人方相唱率縣皆二人皆以雜職差之其俵子取人年十五以下十三以上充之又雜職八人四人執鼓靴四人執戈鞭令以小戟也

以逐惡鬼於禁中有司先

備每門雄鷄及酒擬於宮城正門皇城門設祭大祝一

人齋郎三人右校為瘞罔各於皇城門外之右方稱其

事先一日之夕儺者各赴集所具其器服依次陳布以

待事

諸州縣儺則前一日之夕所司帥領宿於府門外縣門亦如之

其日未明諸衛依

時刻勒所部屯門列仗近仗入陳於階下如常儀鼓吹

令帥儺者各集於宮門外

諸州縣未辨色所司白刺史縣令請引儺者入

內侍

詣皇帝所御殿前奏俵子備請逐疫訖出命內寺伯六

人分引儼者於前長樂門永安門以次入至左右上閣

鼓譟以進方相氏執戈揚楯

諸州縣儼將辨色官者二
人出門各執青麾引儼者

入無官者外人引導於是儼擊
鼓鞀俱譟呼鼓鞭戈楯而入

唱率俵子和曰甲作食

殂肺胃食疫雄伯食魅騰簡食不祥攬諸食咎伯奇食

夢强梁祖明共食磔死寄生委隨食觀錯斷食巨窮奇

騰根共食蠱凡使十二神追惡鬼凶赫汝軀拉汝幹節

解汝肌肉抽汝肺腸汝不急去後者為糧唱率俵子以

下諸州縣
雖同

周呼訖前後鼓譟而出諸隊各趣順天門以

出分詣城門出郭而止讎者將出祝布神席當中門南向出訖宰齋郎酺牲匈磔之神席之西藉以席北首

齋郎酌酒太祝受奠之祝史持版於座右跪讀祝文

諸州

縣讎官者引之遍索諸室及門巷訖官者引出中門所司接引仍鼓譟而出大門外分為四部各趨四城門出郭而止初讎者入祝五人各帥執事者以酒脯各詣州門及城四門讎者出便酌酒奠脯於門右禳祝而止乃舉酒脯埋於西南曰維某年歲次月朔日天子遣太祝酒以爵脯以饗

臣姓名昭告於太陰之神立冬已謝青陽馭節惟神屏

除凶厲俾無後艱謹以清酌敬薦於太陰之神尚饗訖
興奠版於席乃舉牲并酒瘞於罔訖退其內寺伯導引
出順天門外止

諸州縣隴其祝文曰維某年歲次月朔日子祝姓名敢昭告於太陰之神寒往

暑來陰陽之常度惟神以屏凶厲謹以酒脯之奠敬祭於神尚饗

宋朝之制凡水旱災異有祈報之禮祈用酒脯醢報如

常祀

宮觀寺院以香茶素饌詳見霄祀門

太祖皇帝建隆二年六月澶濮曹絳等州蝗命長吏以
牢禮祭之

真宗天禧元年以蝻蟲再生分遣官禱京城宮觀寺廟
仍勅諸州軍於公宇設祭

四年四月以大風起西北飛沙折木晝晦數刻上遣中
使詣宮觀建道場以禳之

仁宗嘉祐元年正月以帝不豫設醮於大慶殿輔臣宿
齋於殿廡命近臣分詣寺觀宿齋一月及遣諸州軍長
吏禱嶽瀆諸祠

八年五月輔臣分詣景靈宮郊廟社稷為皇帝祈福仍

遣朝臣二十一人遍禱於五嶽四瀆名山勝迹

英宗治平二年三月詔以彗星見開在京諸寺觀五日
放士庶燒香於玉津園設醮延福宮建道場半月祈禳
哲宗元祐八年以太皇太后不豫遣官禱在京宮觀寺
院祠廟嶽瀆所在勅長吏就祈又遣近臣設道場於近
上宮觀寺院凡七晝夜仍龍散日於中太上宮上清儲
祥宮醴泉觀設醮嶽瀆亦就道場七晝夜

高宗紹興七年正月一日詔朕惟兩宮北狩之久痛切

於中而又道君皇帝春秋益高念無以見勤誠之意可
令入內侍省差官一員前去建康府元符萬歲宮脩
建祈福道場三晝夜務令嚴潔庶稱朕心

三十一年金主渝盟臣僚言竊謂陛下飭躬脩德可勝
强暴望差撥使人降祝文御香告祭沿江祠廟威靈顯
著血食廟庭載於祀典者令州府分詣致禱四聖五嶽
之神於宮觀設位祈禱冀蒙陰助以速萬全從之

三十二年閏二月太常少卿王普言伏覩車駕巡幸視

師前期遣官祈告天地宗廟社稷宮觀諸神諸陵攢宮
感格響應昭彰使逆亮誅夷北騎遁去兩淮無警舊疆
復歸茲者回鑾臨安當行報謝之禮從之

三十二年八月

時孝宗
已即位

禮部太常寺言者詳酺祭事欲

依紹興祀令蟲蝗為災則祭之俟得旨本寺擇日依儀
祭告其祭告之所國城西北無壇壝乞於餘杭門外西
北精進寺設位行禮所差祭告官并合排辦事並依常
時祭告小祀禮例在外州縣無蟲蝗為害處候得旨令

戶部行下有蝗蟲處即依儀式一面差令設位祭告施行從之

按太常因華禮慶曆四年六月臣僚言天下螟蝗頗為民物之害乞京師內外並修祭酺詔送禮院詳定禮院稱周禮族師春秋祭酺音步酺為人物災害之神鄭康成云校人職有冬祭馬步則未知此酺者蛭螟之酺歟人鬼之步歟蓋亦為壇位如雩禱云然則校人職有冬步是與馬為害者此酺

蓋人物之害也漢時有螻螟之醢神又有人鬼之步神康成未審果從何醢故兩言之歷代書史悉無祭醢儀式欲准祭馬步儀施行壇在國城西北祭儀禮料並屬小祠乞差官就馬壇設祭稱為醢神祝文係學士院撰定若外州者即略依崇禮是歲儀注先擇便方除地設營攢謂立表施繩以代壇其致齋行禮器物等並如小祠上香幣以白祝文曰維某年歲次月朔日某州縣某官姓名敢昭

告於酺神蝗蝻洊生害於嘉穀惟神降祐應時消殄請以清酌制幣嘉薦昭告於神尚饗

淳熙十四年十月以太上皇帝聖躬違和命五嶽四瀆名山大川及祀典者所在精虔祈禱又令宰臣以下分詣祈禱天地宗廟社稷宮觀等

寧宗嘉定間以飛蝗為災行下酺祭

文獻通考卷八十八

欽定四庫全書

文獻通考卷八十九

鄱陽馬端臨貴與著

郊社考二十二

告祭上 立君 建都 封國 告宗廟附

堯曰格汝舜詢事考言乃言底可績三載汝陟帝位舜

讓于德弗嗣

謙遜自謂德不足以嗣也

正月上日受終于文祖

上日朔日

也終者堯終帝位之事而舜受之也文祖堯始祖之廟未詳所指為何人也

在璿璣玉衡以

齊七政

在察也言初攝位乃察璣衡以審七政之所在猶今渾天儀也

肆類于上帝禋

于六宗望于山川徧于羣神

肆遂也類禋望皆祭名周禮肆師類造于上帝注云

郊祀者祭昊天之神祭非常祀而祭告於天其禮依郊祀為之故曰類如泰誓武王伐商王制言天子將出皆云類于上帝是也上帝天也禋精意以享之謂六宗尊也所尊祭者其祀有六祭法埋少牢於泰昭祭時也相近於坎壇祭寒暑也王宮祭日也夜明祭月也幽宗祭星也雩宗祭水旱也山川名山大川五嶽四瀆之屬望而祭之故曰望徧周徧也羣神謂邱陵墳衍古昔聖賢之類言受終觀象之後即祭上下神祇以攝位告也

舜曰來禹予懋乃德嘉乃丕績天之歷數在汝躬汝終

陟元后

朱子曰歷數者帝王相繼之次第猶歲時氣節之先後也

禹曰枚卜功臣惟

吉之從帝曰禹官占惟先蔽志昆命于元龜朕志先定

詢謀僉同鬼神其依龜筮協從卜不習吉禹拜稽首固

辭帝曰母惟汝諧正月朔旦受命于神宗率百官若帝

之初

再辭曰固母禁止之辭正月次年正月也神宗說者以為舜祖顓頊而宗堯因以神宗為堯廟未知

是否如帝之初即上篇所記齊七政修羣祀期諸侯等事也

湯既黜夏命告于上天神后曰予小子履敢用元牡

殷家

尚白未變夏禮故用元牡

敢昭告于皇皇后帝有罪不敢赦帝臣不

蔽簡在帝心

言桀居帝臣之位罪過不可隱蔽以其簡在天心之故

朕躬有罪無

以萬方萬方有罪罪在朕躬

武王克殷厥四月哉生明

哉始也始生明月三日也

王來自商至于

豐

豐文王舊都

乃偃武脩文歸馬于華山之陽放牛于桃林

之野示天下弗服

服與復同不復用也

既生魄

生魄望後也

庶邦冢君

暨百工受命于周丁未祀于周廟邦甸侯衛駿奔走執

豆邇越三日庚戌柴望大告武成

燔柴祭天望祀山川告武功之成也

成王在豐欲宅洛邑

武王克商邇九鼎於洛邑欲以為都故成王居焉

惟二月

既望

朱子曰林曰漢志曰周公攝政七年二月乙亥朔庚寅望

越六日乙未王朝步

自周至于豐

於已望後六日成王從鎬京遷都事告文王廟

惟太保先周

公相宅

太保三公官名召公也

越若來三月惟丙午肫越三日戊

申太保朝至于洛卜宅厥既得卜則經營

肫明也月三日明生之名

林曰漢志曰是年三月甲辰朔三日丙午與卜既望同意劉諫議曰越與粵同粵若發語聲也來三月猶言明月也戊申三月五日也葉曰周官大卜國大遷大師則貞龜注曰經營規度其城郭郊廟朝市之佳處王氏曰經其南北而四營之也度待洛反越三日庚戌太保乃以庶殷攻位于

洛汭越五日甲寅位成

洛汭洛水之北疏曰庚戌三月七日甲寅三月十一日也庶

殷言本是殷民也葉曰攻位者闢荆棘平高下以定所經營之位也若翼日乙卯周公朝

至于洛則達觀于新邑營

傳曰翼明也二日也蘇氏曰

疏曰乙卯十

按後篇是日再卜

越三日丁巳用牲于郊牛二

告立郊社位於天以后稷配故

二牛疏曰丁巳十四日也

越翼日戊午乃社于新邑牛一羊一豕

一告立社稷之位用太牢也社稷共牢

疏曰戊午十

五日也禮成廟則饗之此其饗之禮歟廟有土木之工故郊社先成而饗之也

周公曰王肇稱殷禮祀于

新邑咸秩無文

朱子曰始舉殷家之禮蓋以其從殷而來猶前篇之庶殷也王

疏曰雖有損

氏曰殷盛也如五年再殷祭之殷周公既制禮作樂而成王於新邑舉盛禮以祀凡典籍所無而於義當祀者咸次秩而祀之疑即篇末十二月戊辰之祭史述其語於前而記其事於後也予齊百工倅從

王于周予惟曰庶有事

此本其攝政時言也齊百工謂百官總已以聽也周謂宗周也

言我所總百官今使之從王於周而我則未敢歸周恐新邑之有事也

今王即命曰記功

宗以功作元祀

此功今王乃命曰我記人之功而尊之又以此功因新邑殷祀而告之神明矣王氏

曰記功蓋若紀于太常藏在盟府之類也見洛誥篇

小宗伯國大貞則奉玉帛以詔號

號神號幣號鄭司農云大貞謂卜立君卜

大封

疏曰此國大貞則大卜所云凡國大貞卜大封

之等視高作龜者是也又曰此言卜事而云神號者按

大祝有神號幣號又按天府職云季冬陳玉以貞來歲之燬惡鄭云問事之正曰貞謂問於龜大卜職大貞之

屬陳玉陳禮神之玉龜有天地四方則玉有六器者與此既言玉帛明亦有六幣以禮神也春官大卜凡

國大貞卜立君卜
大封則祗高作龜

戊辰王在新邑

洛邑也

烝祭歲文王騂牛一武王騂牛一

王命作冊逸祝冊惟告周公其後

明月夏之仲冬始於新邑烝祭故曰烝祭

歲古者褒德賞功必於祭日示不敢專也特加文武各一牛告曰尊周公立其後為魯侯

王賓殺禋

咸格王入太室裸

王賓異周公殺牲精意以享文武皆至其廟親告也太室清廟祿也告神

太室馮氏曰廟中之夾室也

王命周公後作冊逸誥

王為冊書使史逸誥伯禽封命

之書皆同在烝祭日

王命召虎來旬來宣文武受命召公維翰

無曰予小子召公是似肇敏戎公用錫爾祉

朱子曰賦也旬徧宣

布也召公召康公奭也肇開戎女公功也言王命召虎
來此江漢之潯徧治其事以布王命而曰昔文武受命
惟召公為楨幹令女無曰以予小子之故也但自為嗣
女召公之事耳能開敏女功則我當錫女以祉福如下
章所云也釐爾圭瓚秬鬯一卣告于文人錫山土田
賦也釐賜卣罇
也文人先祖之有文德者謂文王也叙王賜召公策命
之詞言錫爾圭瓚秬鬯者使之以祀其先祖又告於文
人而錫之山川土田以廣其封邑
大雅江漢詩
平王錫晉文侯秬鬯圭瓚

王曰父義和其歸視爾師寧爾邦用賚爾秬鬯一卣
以當

錫命告其始祖故
賜鬯文侯之命

襄王使大宰文公及內史興賜晉

文公命

大宰文公卿士王子虎也內史興周內史叔興父晉文公獻公之子惠公異母兄重耳也命命

服也諸侯七

命冕服七章上卿逆于境

逆迎

晉侯郊勞

郊迎用辭勞也勞音來

號館諸宗廟

館舍也舍於宗廟尊王命也

饋九牢

牛羊豕為一牢上公饗餼九牢饗

一恭反饋

設庭燎

燎力召反燭於庭謂之庭燎

及期命于武宮

期將

事之日也武宮文公之祖

設桑主布几筵

主獻公之主也練主用栗

虞主用桑禮既葬而虞虞而作主天子於是爵命世子世子即位受命服也獻公死已久於此設之者文公不欲繼於惠懷故立獻公之主自

大宰涖之晉侯端委以

入說云衣元端冠委貌諸侯祭服也昭謂此士服也諸侯之子未受爵命服士服也衣於既反冠古亂反

大宰以王命命冕服

冕大冠也服驚衣也驚音驚

內史贊之三命而

後即冕服

贊道也三命三以王命命文公文公三讓後就

既畢賓饗贈餞如公

命侯伯之禮而加之以宴好

賓者主人所以接賓致饗之屬饗饗食之禮贈致

贈賄之禮餞謂郊送飲酒之禮如公命侯伯之禮者如公受王命以侯伯待之之禮而又加之以宴好也大宰

上卿也而言公者兼之飡音孫好去聲

內史興歸以告王曰晉不可不善

也其君必霸逆王命敬

告古毒反逆於境晉侯郊勞

謂上卿

奉禮義成

謂三讓賓饗之屬皆如禮國語周語

封諸侯於廟者示不敢專也明

法度皆祖之制也舉事必告焉

白虎通

古者明君爵有德

而祿有功必賜爵祿於大廟示不敢專也故祭之日一

獻君降立於阼階之南南鄉所命北面史由君右執策

命之再拜稽首受書以歸而舍奠於其廟

一獻一醕尸也舍當為釋

非時而祭曰奠 疏曰云一獻知非初裸及朝踐饋食之一獻必為一醕尸者以一醕尸之前皆為祭事承奉鬼神未暇冊命而尸食已畢祭事方了始可以行其爵賞及賜勞臣下此一獻則上尸飲五君獻卿之時也若天子命羣臣則不因常祭之日特假於廟故大宗伯云王命諸侯則頒注云王將出命假祖廟立依前南鄉是也

祭統

漢文帝即皇帝位於代入未央宮還坐前殿十月辛亥

見於高廟

按古之受終革命者必告於天地祖宗堯舜之禪讓湯武之征伐未之有改漢承秦後典禮隳廢以古人所以郊祀天地者施之五時之淫祠而未嘗有事天地之禮高皇帝平秦滅項諸侯王推戴即皇帝位於汜水之陽亦不聞有燔燎告天之事於義闕矣至文帝以後則凡嗣君即位必謁見高廟亦受命祖宗之意故載於此後不備錄

武帝元狩六年四月乙巳皇帝使御史大夫湯廟立子

閔為齊王旦為燕王胥為廣陵王

古者封國必告於廟社而冊之示不敢專也漢制未聞太史公三王世家載武帝從大司馬去病之請冊立齊燕廣陵三王冊書有廟立二字則亦必有告廟之禮云

光武建武元年即皇帝位於鄗為壇營於鄗之陽祭告天地用元始中郊祭故事六宗羣神俱從末以祖配天地共犢餘牲尚約其文曰皇天上帝后土神祇騰顧降

命屬秀黎元為民父母秀不敢當羣下百僚不謀同辭
咸曰王莽篡弑竊位秀發憤興義兵破王邑百萬衆於
昆陽誅王郎銅馬赤眉青犢賊平定天下海内蒙恩上
當天心下為元元所歸識記曰劉秀發兵捕不道卯金
修德為天子秀猶固辭至於再至於三羣下曰皇天大
命不可稽留敢不敬承

魏文帝黃初元年十一月漢帝以衆望在魏乃召羣公
卿士告祠高廟使御史大夫張音持節奉璽綬禪位乃

為壇於繁陽魏王登受禪燎祭天地五嶽四瀆曰皇帝
臣丕敢用元牡昭告於皇皇后帝漢歷世二十有四踐
年四百二十有六四海困窮王綱不立五緯錯行靈祥
並見推術數者慮之古道咸以為天之歷數運終茲世
凡諸嘉祥民神之意比昭有漢數終之極魏家受命之
符漢王以神器宜授於臣憲章有虞致位於丕丕震畏
天命雖休勿休羣公庶尹六事之人外及將士洎於蠻
夷君長僉曰天命不可以辭拒神器不可以久曠羣臣

不可以無主萬機不可以無統王祇承皇象敢不欽承
卜之守龜兆有大橫筮之三易兆有革兆謹擇元日與
羣寮登壇受命璽綬告類於爾大神唯爾有神尚饗永
告兆民之望祚於有魏世享

建安二十六年漢中王即位於成都武擔之內為文曰
惟建安二十六年四月丙午皇帝備敢用元牡昭告皇
天上帝后土神祇漢有天下歷數無疆曩者王莽篡盜
光武皇帝震怒致誅社稷復存今曹操阻兵安忍戮殺

主后滔天泯夏罔顧天顯操子丕載其凶逆竊居神器
羣臣將士以為社稷隳廢備宜修之嗣武二祖龔行天
罰備雖否德懼忝帝位詢於庶民外及蠻夷君長食曰
天命不可以不答祖業不可以久替四海不可以無主
率土式望在備一人備畏天明命又懼漢邦將湮於地
謹擇元日與百寮登壇受皇帝璽綬脩燔瘞告類於天
神惟神饗祚於漢家永綏四海

晉武帝太始元年冬十二月帝受魏禪設壇於南郊柴

燎告類於上帝

按自魏晉以來之君受禪即帝位皆有燔燎告天之事冊文大概稱述天命人心以自負而其實則欺孤弱寡以取天下而矯誣其詞耳故不復錄

元帝為瑯琊王將即極位告廟王導書問賀循云或謂宜祭壇拜受天命者或謂直當稱億兆羣臣告四祖之廟而行者若爾當立行廟王今固辭尊號俯順羣情還依魏晉故事然魏晉皆稟命而行不知今進璽當云何

循答曰愚謂告四祖之廟而行蜀書劉先主初封漢王

時羣臣共奏上勲德承以即位令雖事不正同然議可

方論

導又書曰得刀僕射書曰如此京兆是宣帝祖章郡是父也至惠帝為七廟至懷帝京兆府君應落

想足下亦是識刀侯不欲告惠懷二帝不知於禮云何循答曰古禮及漢氏之初皆帝帝異廟即位大事謁於太祖故晉文朝於武宮漢文謁於高廟也至光武之後唯有祖宗兩廟而已祖宗兩廟昭穆皆共堂別室魏晉依之亦唯立一廟則一廟之中苟在未毀恐有事之日不得偏有不告然人不詳太廟定議不敢必據欲依古禮惟告宣帝一廟今意以祖宗非一旦太廟合共事與古異不得以古禮為斷

太常問今封建諸王為告廟不知告廟冊與告諸王

同異祝文同不當以竹冊白簡隸書篆書也博士孫
毓議按尚書洛誥王命作冊逸祝冊惟告周公其後
謂成王已冠命立周公後作為冊書逸誥以告伯禽
也又周公請命於三王乃內冊於金匱之匱中今封
建諸王裂土樹藩為冊告廟篆書竹冊執冊以祝訖
藏於廟及封王之日又以冊告所封之王冊文不同
前以言告廟祝文當竹冊篆書以為告廟冊冊之文
即祝辭也舊告封王告改年號故事事訖皆當藏於

廟以皆為冊書四時享祀祝文事訖不藏故但禮稱
祝文尺一白簡隸書而已又王珉議云中朝大事告
天地先郊後廟徐邈云天子將出類乎上帝造乎禰
如此次則宜先告郊也按元帝大興元年詔曰當先
告廟出便當郊先人事而後天理自親及尊邪虞先
云武王克商先祭後郊賀循議告諡南郊不當用牲
然先告代祖諡於太廟復有用牲於禮不正理不應
有牲告郊廟皆不用牲牲唯施於祭及禱耳徐邈又

議云按武帝永熙元年告諡南郊用牲自江左以來

哀帝興寧中簡文咸安中告諡並蒼璧制幣告立太

子太孫

邈與范甯書問告定用牲否禮郊牲在滌三月此謂常祀耳宗廟告牲亦不展芻豢日既

逼不容得備又禮郊特牲在滌宮而稷牛唯具傳曰帝牛不吉則卜稷牛而用之如無復九旬之別也謂令牲至則用當無疑否范甯答云禮郊牲必在滌三月公羊傳養二卜二卜者謂本卜養二牲也帝牲不吉則卜稷牲稷牲不吉則不郊蓋所以敬天神而後人鬼也無本郊不滌牲之禮牲唯其用非吾所聞也凡告用制幣先儒有明義也

康帝立准禮將改元尚書下侍御史太常主者殿中屬

應告廟其勅禮官并太史擇吉日撰祝文及諸應所用
備辦符到奉行博士徐禪議曰按魯文公之書即位也
僖公未葬蓋改元之道宜其親告不以喪闕昔代祖受
終亦在諒闇既正其位於天郊必告成命於父祖事莫
大於正位禮莫盛於改元傳曰元始也首也善之長也
故君道重焉謂應告尚書奏按惠帝起居注改永熙二
年為永平元年使持節太尉石鑒告於太廟前朝明准
不應草易如禪儀

禪告文曰維建元元年正月日子孝
曾孫嗣皇帝諱謹遣使持節兼太尉

某官某甲敢昭告於皇祖高祖宣皇帝諱以眇身屬膺
明命為兆人主惟神器之重夙夜祇勵夫首元正位改
物承天先王之典刑建國之大禮今改咸康八年為建
元元年享祖宗之保佑膺乾坤之休靈敢薦告事一元
大武薊合薊其嘉薦庶羞清滌清酌明告於皇祖高祖
宣皇帝穆皇后張氏尚饗告始祖廟等十一室同辭也

宋武帝永初元年六月受晉禪即皇帝位於南郊設壇

柴燎告天

齊高帝建元元年四月受宋禪即皇帝位於南郊設壇

柴燎告天

梁武帝天監元年四月受齊禪即皇帝位於南郊設壇

柴燎告天

禮官儀大事通告
七廟事見下篇

陳武帝永定元年十月受梁禪即皇帝位於南郊柴燎

告天

齊文宣帝天保元年五月受魏禪即皇帝位於南郊升

壇柴燎告天

周閔帝元年正月受魏禪即天王位柴燎告天

隋文帝開皇元年二月受周禪即皇帝位於臨光殿設

壇於南郊遣太傅上柱國鄧公竇熾柴燎告天是日告

廟

唐高祖武德元年五月甲子帝受隋禪即皇帝位於太極殿命刑部尚書蕭造兼太尉告於南郊

宋太祖皇帝建隆元年正月即位差官告天地社稷羣祀祝文曰維大宋建隆元年歲次庚申正月辛丑朔某日嗣天子臣

御名

謹遣某官某敢昭告於昊天上帝皇

地祇天命不常惟德是輔神器大寶猥集眇躬欽眷命而不遑勵小心而昭事靈貺下屬羣情樂推今月四日

已即皇帝位改國號為大宋乃改元建隆元年不敢不告尚饗又遣宗正少卿郭杞以即位告周高祖世宗廟嘉祐八年

時英宗已即位

翰林學士王珪論告天請諡事言謹

按曾子問曰賤不誅貴幼不誅長禮天子稱天以誅之春秋公羊說讀誅制於南郊若云受之於天然乾興元年夏既定真宗皇帝諡其秋始告天於圜丘史臣以為天子之諡當集中書門下御史臺五品以上尚書四品以上諸司三品以上於南郊告天議定然從連奏以聞

近制唯詞臣撰議即降詔命庶僚不得參聞頗違稱天之義臣今擬上先帝之尊謚欲望明詔有司稽詳舊典先之郊而後下臣之議庶先帝之茂德休烈有以信萬世之傳詔兩制詳議翰林學士賈黯等議如珪奏從之神宗元豐時詳定禮文所言曾子問曰凡告必用牲幣無親告祝之別後世親告之禮不行故學者因有親告用牲史告用幣之文又謂吉告用牲凶則用幣皆非禮經之制請應親祠告天地宗廟社稷並依令用牲從之

高宗建炎元年五月一日登極告於昊天上帝冊文曰

維靖康二年歲次丁未五月庚寅朔嗣天子臣

御名

敢

昭告於昊天上帝金戎亂華二帝北狩天支戚屬混於

穹居宗社罔所憑依夷夏罔知攸主臣

御名

以道君皇

帝之子奉宸旨以總六師握大元帥之權倡義旅而先

諸將冀清京邑迎復兩宮而百辟卿士萬邦黎獻謂人

思宋德天眷趙宗宜以神器屬臣

御名

辭之再四懼不

克負荷貽羞於來世九州四海萬口一辭咸曰不可稽

皇天之寶命慄慄震惕敢不欽承尚祈陰相以中興於
宋祚

紹興三十二年六月十四日

孝宗即位
未改元

以皇帝登極奏

告天地宗廟社稷景靈宮天慶觀報恩光孝觀泰一宮
諸陵紹興兩攢宮

是日皇帝前後殿不視事其奏告行事官差宰執或
侍從官內太廟別廟諸陵差南班宗室節度使以上
兩攢宮就差紹興府南班宗室餘官及致齋降香祝

等皆依常奏告之禮其後應奏告並如例

淳熙十六年二月五日

光宗即位未改元

以皇帝登極奏告天

地宗廟社稷景靈宮諸宮觀諸陵攢宮

紹熙五年七月五日

寧宗即位未改元

以皇帝登極奏告如孝

光兩朝禮

按國朝會要告禮門總序稱祖宗以來登位則有告祭而所記累朝排年告祭之禮則惟昌陵受禪創業思陵南京中興有之此後則惟孝宗光宗寧

宗登極有告祭之禮而太宗以下皆無之豈軼其
紀邪或孝光寧三帝以受內禪故行之而累朝以
諒闇不克行邪又即位之後即親見於宗廟行饗
祀禮亦惟孝光二帝行之累朝則皆以諒闇闕其
禮云

告祭下

巡狩

征伐

歲二月東巡狩至于岱宗柴望秩于山川協時月正日
同律度量衡脩五禮五玉三帛二生一死贄如五噐卒

乃復五月南巡狩至于南岳如岱禮八月西巡狩至于西岳如初十有一月朔巡狩至于北岳如西禮歸格于

藝祖用特五載一巡狩

朱子曰孟子曰天子適諸侯曰巡狩巡狩者巡所守也歲二月

當巡守之年二月也岱宗泰山也柴望燔柴以祀天而遂望祭東方之山川又各以其秩次而就祭之也秩者其牲幣祝號之次第如五岳視三公四瀆視諸侯其餘視伯子男者也東后東方之諸侯也時謂四時月謂月之大小日謂日之甲乙諸侯之國其有不同者則協而正之也
舜典 王制曰天子五年一巡守注曰天子以海內為家時一巡省之五年者虞夏之制也周則十二歲一巡守岱宗東岳柴祭告天也至假至也特特牛也祖下及禰皆一牛疏曰謂從始祖下及於禰廟別皆一牛鄭以經云祖禰用特恐同用一牛必知廟每皆一

牛者以尚書堯典云歸格于藝祖用特祖既用特明知各用特也唐虞及夏五廟則用五特也殷用六周用七也又尚書洛誥云文王騂牛一武王騂牛一

天子巡

守以遷廟主行載于齊車言必有尊也

曾子問主詳征伐條遷

天子將出類乎上帝宜乎社造乎禰

帝謂五德之帝所祭於南郊者類宜

造皆祭名其禮亡

疏曰云類宜造皆祭名者按小宗

伯云凡天地之大哉類社稷宗廟則為位鄭注云禱祈

禮輕類者依其正禮而為之是類為祭名也按爾雅釋

天云起大事動大衆必先有事乎社而後出謂之宜孫

炎注曰求便宜也是宜為祭名也但天道懸遠以事類

告之社主殺戮故求其便宜廟為親近故以奉至言之

各隨義立名也王制朱子曰郊祀者祭昊天

常祭非常祀祭告於天其禮依郊祀為之故曰類

校人凡將事于四海山川則飾黃駒

四海猶四方也王巡守過大山川則

有殺駒以祈沈禮與玉人職有宗祝以黃金勺前馬之禮沈直金反疏曰謂王行所過山川設祭禮之然

後去則殺黃駒以祭之山川地神土色黃故用黃駒也又曰王巡守唯至方岳不至四海夷狄故以四海為四

方爾雅云祭山曰廋縣祭川曰浮沉今鄭云以祈沈者總解過山川二事言與者爾雅據正祭此則行過之約

與彼同故云與以疑之也引玉人職者按彼有大璋中璋邊璋過大山川用大璋過中山川用中璋過小山川

用邊璋下云黃金勺青金外朱中此三璋之勺也云黃金勺者即彼三璋之勺云前馬之禮者以黃金勺酌酒

禮山川在馬牲前之禮引之者證過山川設禮用馬牲之事也夏官

玉人大璋中璋

九寸邊璋七寸射四寸厚寸黃金勺青金外朱中鼻寸

衡四寸有緹天子以巡守宗祝以前馬

射食亦反勺上灼反衡音橫

射剡出者也元謂鼻勺流也凡流皆為龍口也衡古文橫假借字也衡謂勺徑也三璋之勺形如圭瓚天子巡守有事山川則用灌焉於大山川則用大璋加文飾也於中山川用中璋殺文飾也於小山川用邊璋半文飾也其祈沈以馬宗祝亦執勺以先之禮王過大山川則大祝用事焉將有事於四海山川則校人飾黃駒大祝音泰校尸教反疏曰元謂衡古文為橫謂勺徑破先鄭為勺柄云三璋之勺形如圭瓚者圭瓚之形前注已引漢禮但彼口徑八寸下有盤徑一尺此徑四寸徑既倍狹明所容亦少但形狀相似耳故云形如圭瓚也知用灌者以其圭瓚灌宗廟此巡守過山川用灌可知於大山川已下至半文飾皆無正文鄭君以意解之云祈沈以馬者取校人飾黃駒故知馬也知宗祝亦執勺以先之者即引大祝職云王過大山川則大祝用事焉

是大祝用此經黃金
勺之事也

冬官

時邁巡守告祭柴望也 般巡

守而祀四岳河海也

詩序

傳隱公八年鄭伯使宛來歸祊庚寅我入祊左氏曰

鄭伯請釋泰山之祀而祀周公以泰山之祊易許田

三月鄭伯使宛來歸祊不祀泰山也

成王營王城有遷都之志故賜

周公許田以為魯國朝宿之邑後世因而立周公別廟焉鄭桓公周宣王之母弟封鄭有助祭泰山湯沐之邑在祊鄭以天子不能復巡守故欲以祊易許田各從本國所近之宜恐魯以周公別廟為疑故云已廢泰山之祀而欲為魯祀周公遜公羊子曰邠者何辭以有求也許田近許之田也

鄭湯沐之邑也天子有事於泰山諸侯皆從泰山之

下諸侯皆有湯沐之邑焉

邠彼命反從才用反

許田者何魯朝

宿之邑也諸侯時朝乎天子天子之郊諸侯皆有朝

宿之邑焉穀梁子曰許田者魯朝宿之邑也邠者鄭

伯之所受命而祭泰山之邑也用見魯之不朝於周

而鄭之不祭泰山也

邠許田互見之桓公元年

天子將出征類乎上帝宜乎社造乎禰禡于所征之地

禡師祭也為兵禱其禮亡

受命于祖

告祖也曰造乎禰

疏曰前文據告行故此據以征伐之事故

云受命於祖所以重起其文也然則受命於祖在造乎禘之先

受成于學

疏曰謂在學謀論兵事好

惡可否其謀成定

出征執有罪反釋奠于學以訊馘告

訊馘所生獲斷

耳者疏曰以生獲解訊以斷耳解馘訊言也執其可言問者訊是生者馘是死而截耳者

陳氏禮書曰詩曰是類是禡爾雅曰類禡師祭也禮

記禡於所征之地公羊曰甲兵祠兵小宗伯凡王之

會同軍旅甸役之禡祠肆儀為位肆師凡四時之大

田獵祭表貉

讀為阡陌之陌

於所立表之處為師祭造軍法

者禱氣勢之增倍也其神蓋蚩尤或曰黃帝甸祝掌

四時之田表貉之祝號大司馬中春教振旅有司表貉誓民鼓遂圍禁中冬教大閱既陳乃設驅逆之車有司表貉於陳前漢書稱高祖祠黃帝蚩尤於沛庭先儒或以蚩尤為天子或以為庶人其詳不可以考然管仲稱蚩尤作劒戟史記稱黃帝與蚩尤戰於阪泉蓋軍法之興始於此也故後世祭之周官言貉詩與禮記爾雅言禡其實一也貉之祭蓋使有司為之而立表於陳前肆師為位甸祝掌祝號既事然後誓

衆而師田焉周官所謂表貉誓民是也古者將射則祭侯將卜則祭先卜將用火則祭燿將用馬則祭馬祖然則將師田而祭者不特為禱而已也唐制禡祭為壇壝設瘞埴皇帝齋於行宮從官齋於軍幕置甲冑弓矢於神座之側建稍於神座之後而牲幣犧象皆有儀度然古人祭於立表之處則無壇壝其置甲冑弓矢於神座之側建稍於神座之後理或有之司几筵甸役則設熊席右漆几鄭氏以為祭貉之禮誤

也

大祝大師宜于社造于祖設軍社類上帝國將有事于

四望及軍歸獻于社則前祝

疏曰此經六事皆大祝所掌言大師者王出六軍親

行征伐故云大師云宜于社者軍將出宜祭於社即將社主行不用命戮于社云造于祖者出必造即七廟俱祭取遷廟之主行用命賞于祖皆載于齊車云設軍社者此則據社在軍中故云設軍社云類上帝者非常而祭曰類軍將出類祭上帝告天將行云國將有事于四望者謂軍行所過山川造祭乃過及軍歸獻于社者謂征伐有功得囚俘而歸獻捷於社云則前祝者此經六事皆大祝前辭春官下小宗伯若大師則帥有司而立軍社奉主車若軍將有事則與祭有司將事于四望注曰帥有司大祝也王出軍必有先事於社及遷廟

而以其主行社主曰軍社遷主曰祖春秋傳曰軍行被社釁鼓祝奉以從魯子問曰天子巡守以遷廟主行載于齊車言必有尊也書曰用命賞于祖不用命戮于社之主蓋用石為之奉謂將行軍將有事將與敵合戰也疏曰鄭知有司是大祝者按大祝職云大師國將有事於四望與此義同故知有司大祝軍事是司馬所掌故知司馬實典主其事也

社主見地祇篇社稷條

量人營軍之壘舍量其市

朝州涂軍社之所里

量音亮或音良 軍壁曰壘鄭司農云量其市朝州涂環市朝而為

道也元謂州一州之衆二千五百人為師每師一處市也朝也州也皆有道以相之軍社社主在軍者里居也疏曰此為出軍之時所為量度之事軍行之所擬停之處皆為壘壁恐有非常故云軍壁曰壘也先鄭意環市朝而為道不釋州義故後鄭不從以一州則一師每一師各自一處各立市朝州即師也皆有道以相湊之

若然未必環遶為路也在軍不用命戮于社故將社之石主而行所居皆有步數故職在量人 夏官上

大司馬若大師則掌其戒令涖大卜帥執事涖釁主及

軍器

大師王出征伐也涖臨也臨大卜卜出兵吉凶也司馬法曰上卜下謀是謂參之主謂遷廟之主及

社主在軍者也軍器鼓鐸之屬凡師既受甲迎主於廟及社主祝奉以從殺牲以血塗主及軍器皆神之疏

曰按小子職云釁邦器及軍器彼官釁之而大司馬臨之又曰鄭知臨大卜者按大卜云掌龜之八命一曰征云司馬法曰上卜下謀是謂參之者卜在廟又龜有神故云上卜謀人在下故云下謀君居其中故云參也

若師有功則左執律右秉鉞以先愷樂獻于社

功勝也律所以

聽軍聲鉞所以為將威也先猶道也兵樂曰愷獻于社獻功於社也司馬法曰得意則愷樂愷歌示喜也鄭司

農云城濮之戰春秋傳曰振旅愷以入于晉濮音卜
疏曰云律所以聽軍聲者大師職云彼初出軍時大

師執聽至此克若師不功則厭而奉主車厭於涉反
勝司馬執之鄭司農云厭

謂厭冠喪服也軍敗則以喪禮故秦伯之敗於穀也春
秋傳曰秦伯素服郊次鄉師而哭元謂厭伏冠也奉猶

送也送主歸於廟與社穀戶交反鄉許亮反疏曰
元謂厭伏冠也者按下曲禮云厭冠不入公門以其喪

冠反吉吉冠於武上向內縫之喪冠於武下向
上縫之以伏冠在武故得厭伏之名同上肆師

凡師甸用牲于社宗則為位甸音田社軍社也宗遷
主也疏曰師謂出師征

伐甸謂四時田獵二者在外或有祈請皆當用牲社及
宗時皆肆師為位祭也又曰云社軍社也者在軍不用

命戮于社又君以軍行祓社釁鼓故名軍社也鄭知宗
遷主者魯子問云師行必以遷廟主行載于齊車故知

宗

遷主也 小宗伯凡王之會同軍旅甸役之禱祠肆儀
為位疏曰數者禱祠皆須豫習威儀乃為之故云肆儀
也當習威儀之時 類造上帝封于大神祭兵于山川亦
則小宗伯為位也 如之造猶即也為兆以類禮祭上帝也類禮依郊祀而
為之者封謂壇也大神社及方岳也山川蓋軍之
所依止 疏曰諸文皆云造于禰類于上帝造屬於禰
此以類造同云於上帝則造與類同屬於上帝故鄭云
造猶即與造門之造同也云為兆以類禮即祭上帝者
若依國四郊則自有尋常兆域今戰訖而祭故須新為
壇兆故云為兆也云大神社及方岳者大神文在上帝
下而云封祭之明是社也知兼有方岳者見小宗伯云
軍將有事於四望謂將戰時今戰訖所告明兼祭方岳
方岳即四望也云山川蓋軍所依止者以其山川衆多
不可並祭軍旅思險阻軍止則必 凡師不功則助牽主
依山川故知祭軍所依止者也

車

助助大司馬也謂師無功肆師助牽之恐為敵所得

職云若師不功則厭而奉主車故

小祝大師掌釁祈

號祝

疏曰祈號祝者將出軍禱祈之禮皆小祝號以讀祝辭

有寇戎之事則保郊

祀于社

故書祀或作禩鄭司農云謂保守郊祭諸祀及社無令寇侵犯之元謂保祀互文郊社皆守而

祀之彌裁兵

禩音祀令力呈反彌依注音救亡爾反

疏曰元謂保祀互文者郊言保守亦祀社言祀亦保

守故云郊社皆守而祀之云彌裁兵者經言有寇戎之事則亦是裁兵故引小祝彌裁兵而解之春官下

傳是類是禡師祭也

是類是禡詩大雅皇矣篇文也師祭者言用師出征之祭名也

王制云天子將出征類于上帝禡于所征之地也

爾雅帥師者受命于廟受

服于社

服市軫反疏曰釋天云起大事動大衆必先有事乎社而後出謂之宜大宗伯以服膺

之禮親兄弟之國令言受服於社明是祭社之肉盛於服器賜元帥也地官掌蜃祭祀共蜃器之蜃鄭元

云蜃大蛤服之器以蜃飾因名焉

盛音成

閔公二年左氏傳

君以軍行祓社

釁鼓祝奉以從

祓音弗釁許靳反從如字師出先有事祓禱於社謂之宜社於是殺牲

以血塗皐為釁奉社主也皐步西反疏曰尚

書甘誓云用命賞于祖弗用命戮于社孔安國云天

子親征必載遷廟之祖主及社主行有功則賞于祖

前示不專也不用命奔北者則戮之於社主前社主

陰陰主殺親祖嚴社之義也是軍行必載社

主行故祝官奉主以從定公四年左氏傳 曾子

問曰古者師行必以遷廟主行乎孔子曰天子巡守

以遷廟主行載于齊車言必有尊也今也取七廟之

主以行則失之矣

齊側皆反注及下同 齊車金路

掌馭王路凡祭祀皆乘王路齊車則降一等乘金路也遷廟主行皇氏云謂載新遷廟之主 餘見宗廟

上篇 曾子問曰古者師行無遷主則何主孔子曰主命

問曰何謂也孔子曰天子諸侯將出必以幣帛皮圭

告于祖禰遂奉以出載于齊車以行每舍奠焉而后

就舍

以脯醢禮神乃敢即安也所告而不以出即埋之 疏曰以曾子不解主命之意故孔子答以

主命之義云天子諸侯將出必以幣帛皮圭告祖禰之廟告訖遂奉此幣帛皮圭以出於廟載于齊車金

路以行每至停舍之處先以脯醢奠此幣帛皮圭而後始就停舍之處行還反後必陳此幣帛皮圭於祖禩主前以告神又設奠祭既卒飲此幣帛皮圭埋諸兩階之間乃復而出蓋此主命故也反必告

設奠卒斂幣玉藏諸兩階之間乃出蓋貴命也

禮記

庶子之正於公族者

正者政也庶子司馬之屬掌國子之倅為政於公族者

其

在軍則守於公禩

謂從軍者公禩行主也行以遷主言禩在外親也疏曰此一節明

庶子從行在軍之事則守於公禩者公禩謂遷主載在齊車隨公行者也庶子官既從在軍故守於公齊車之行主也行主是遷主而呼為禩者既在國外欲依親親之辭文王世子戰則守於公禩孝愛之深也注曰行主君父之象同上

敢用元牡敢昭告於上天神后

請罪有夏

壯茂后反 明告天問桀百姓有何罪而加虐乎 疏曰孔安國注論語云殷家尚

白未變夏禮故用元牡 湯誥

予小子夙夜祇懼受命文考類于

上帝宜于冢土以爾有衆底天之罰

疏曰王制云天子將出類乎上

帝宜乎社造乎禰此受命文考即是造乎禰者王制以神尊卑為次故先言帝社後言禰此以廟是已親若言家內私議然後告天故先言受命文考而後言類于上帝 泰誓上

底商之罪告

于皇天后土所過名山大川

疏曰禮天子出征必類帝宜社此告皇天后土

即泰誓上篇類于上帝宜于冢土故云后土社也自周適商路過河華故知所過名山華岳大川河也山川大乃有名 大互言之耳

曰惟有道曾孫周王發將有大正于

商

告天地山川之辭大正以兵征之也疏曰自稱有道者聖人至公為民除害以紂無道言已有道

所以告神求助不得節以謙辭也稱曾孫者曲禮說諸侯自稱之辭云臨祭祀內事曰孝子某侯某外事

曰曾孫某侯某哀二年左傳蒯賁禱祖亦自稱曾孫皆是言已承藉上祖奠享之意予小子既

獲仁人敢祗承上帝以遏亂畧

仁人謂太公周公之徒畧路也言誅紂敬

承天意以絕亂路

華夏蠻貊罔不率俾恭天成命

冕服采章曰華大國

曰夏及四夷皆相率而使奉天成命

肆予東征綏厥士女

此謂十一年會孟津還時

惟其士女篚厥元黃昭我周王

言東國士女篚盛其絲帛奉迎道次明

我周王為之除害

天休震動用附我大邑周

天之美應震動民心故用依附

我

惟爾有神尚克相予以濟兆民無作神羞

周書武成

惟一月壬辰旁死魄越翼日癸巳于征伐商

疏曰此歷叙伐

紂往反祀廟告天時日說武功成之事也一月壬辰旁死魄謂伐紂之年周正月辛卯朔其二月是壬辰也翼日癸巳王朝步自周于征伐商謂正月三十日發鎬京始東行也其月二十八日戊午渡河泰誓序云一月戊午師渡孟津泰誓中篇云惟戊午王次于河朔是也二月辛酉朔甲子殺紂牧誓云時甲子昧爽乃誓是也其年閏二月庚寅朔三月庚申朔四月己丑朔厥四月哉生明王來自商至于豐謂四月三日月始生明其日當是辛卯也丁未祀于周廟四月十九日也越三日庚戌柴望二十二日也正月始往伐四月告成功史叙厥四月哉生明王來自商至于其事見其功成之次

豐

疏曰生明死魄俱是月初上云死魄此生明魄死而明生互言也

丁未祀于周廟

邦甸侯衛駿奔走執豆籩

四月丁未祭告后稷以下文考文王以上七世之祖

駿大也邦國甸侯衛服諸侯皆大奔走於廟執事

越三日庚戌柴望大告武

成

燔柴郊天望祀山川先祖後郊自近始武成

牧之野武王之大事也

既事而退柴於上帝祈於社設奠於牧室

疏曰既事而退者既

戰罷而退也柴於上帝者謂燔柴以告天祈於社者陳祭以告社也設奠於牧室者設此奠祭於牧野之

館室以告

遂率天下諸侯執豆籩逡奔走

逡息後反疾也周

頌曰駿奔

走在廟

追王大王亶父王季歷文王昌不以卑臨

尊也

追王於況反亶丁但反父音甫不以諸侯之卑號臨天子也禮記大傳

莊公

八年春王正月甲午治兵

治兵於廟習號令將以圍鄭疏曰治兵於廟欲就

尊嚴之處使之威畏用命耳但軍旅之衆非廟內所容止應告於宗廟出在門巷習之昭十八年傳稱鄭人簡兵大蒐將為蒐除杜云治兵於廟城內地迫故除廣之是告於廟習於巷也下有圍鄭知治兵為圍也左氏曰治兵於廟禮也公及諸侯從劉康公成

肅公會晉侯伐秦成子受脤於社不敬

脤市軫反脤宜社之內

也盛以蜃器故曰脤宜出兵祭社之名

劉子曰吾聞之民受天地之中

以生所謂命也是以有動作禮義威儀之則以定命

也能者養之以福

養威儀以致福

不能者敗以取禍是故君

子勤禮小人盡力勤禮莫如致敬盡力莫如敦篤敬

在養神篤在守業國之大事在祀與戎祀有執膳

膳祭

肉

盡津忍反

下同膳音燔

戎有受脤神之節也

交神之節

令成

子惰棄其命矣其不反乎

為成肅公卒于瑕張本

疏曰天地之中謂中和之

氣也民者人也言人受天地中和之氣以得生育所謂命也命者教命之意若有所稟受之辭故孝經說

云命者人所稟受是也

成公十三年左氏傳

晉侯伐齊將濟河獻子以

朱絲係玉二轂而禱曰齊環怙恃其險負其衆庶

雙玉

曰欽環齊靈公名員依也

棄好背盟陵虐神主

神主民也謂數伐魯殘民人

魯

臣彪將率諸侯以討焉

彪晉平公名稱臣者明上有天子以謙告神魯臣猶未臣

其官臣偃實先後之

守官之臣偃獻子名

苟捷有功無作神羞

官臣偃無敢復濟

偃信巫言故以死自誓

惟爾有神裁之沈王

而濟

襄公十八年左氏傳

晉伐鄭楚子救鄭過於鄢陵楚子

登轆車以望晉軍

轆車車上為槽車高車加巢以望敵也

疏曰說文云轆輶

輶輶也是輶與輶俱輶之别名

子重使太宰伯州犂侍於王後王曰

騁而左右何也曰召軍吏也皆聚於中軍矣曰合謀

也張幕矣曰虔卜於先君也

虔敬也

徹幕矣曰將發命

也甚囂且塵上矣曰將塞井夷

夷平也

竈而為行也皆

乘矣左右執兵而下矣曰聽誓也

疏曰兵車唯元帥在中御者在左也

其餘將帥皆御者在中將帥在左也

戰乎曰未可知

也乘而左右皆下矣曰戰禱也

禱請於鬼神成十六年左氏傳

楚

子圉許許男面縛銜璧大夫縗經士與櫬

縛手於後唯見其面

以壁為贄手縛故銜之櫬棺也將受死故縗經

楚子問諸逢伯

逢伯楚大夫

對曰

昔武王克殷微子啟如是武王親釋其縛受其璧而

祓之

祓除凶之禮
時祓除謂之祓除

疏曰周禮女巫巫掌歲
是除凶之禮也

焚其櫬禮

而命之使復其所楚子從之

僖公六年
左氏傳

鄭子展子

產伐陳入之子展命師無入公宮與子產親御諸門

陳侯使司馬栢子賂以宗噐陳侯免擁社

御魚呂反
免音問擁

於勇反擁社抱社
主示服免喪服

使其衆男女別而纍以待於朝

纍自

因繫以
待命

子展執繫而見

繫陟立反見賢
通反見陳侯

再拜稽首承

飲而進獻

承飲奉觴示
不失臣敬

子美入數倅而出

數所主反
子美子

產也但數其所獲
人數不將以歸

祝祓社司徒致民司馬致節司空

致地乃還

袂除也節兵符陳亂故正其衆官修其所職以定之乃還也疏曰周禮有掌節之

官節為兵符若今之銅虎符竹使符也陳國既亂致使官司廢闕民人分散符節失亡故令陳之司徒招

致民人司馬集致符節司空檢致土地使各依其舊師乃迴還也劉炫云陳國既亂民節與地非復陳有

子展子產心不滅陳各使已之官屬以安定之乃還也襄公二十五年左氏傳楚子敗

晉師于邲潘黨曰君盍築武軍而收晉尸以為京觀

觀古亂反積尸封土其上謂之京觀楚子曰古者明王伐不敬取其鯨

鯢而封之以為大戮於是乎有京觀以懲淫慝鯢五

鯨鯢大魚名以喻不義之人吞食小國今罪無所而民皆盡忠以死君

命又何以為京觀乎祀於河作先君宮告成事而還

傳言楚莊有禮所以遂興

宣公十有二年左氏傳

孔叢子問軍禮曰天下有道禮樂征伐自天子出
必以歲之孟秋賞軍帥武人於朝簡練傑俊任用
有功命將選士以誅不義於是孟冬以級授軍司
徒搢扑北面而誓之誓於社以習其事先期五日
大史誓於祖廟擇吉日齋戒告於郊社稷宗廟既
筮則獻兆於天子天子使有司以特牲告社告以

所征之事而受命焉舍奠於帝學以受成然後乃
類上帝柴於郊以出以齊車載遷廟之主及社主
行大司馬職奉之無遷廟主則以幣帛皮圭告於
祖禰謂之主命亦載齊車凡行主皮圭幣帛皆每
舍奠焉而後就舍主車止於中門之外外門之內
廟主居於道左社主居於道右其所經名山大川
皆祭告焉天子命將出征親絜齊盛服設奠於
祖以詔之大將先入軍吏畢從皆北面再拜稽首

而受天子當階南面命授之節鉞大將受天子乃
東向西面而揖之示弗御也然後告大社冢宰執
蜃宜於社之右南面授大將大將北面稽首再拜
而受之承所頒賜於軍吏其出不類其克不禡戰
之所在有大山川則祈焉禱克於上帝捷則報之
振旅復命簡異功勤親告廟告社而後適朝 及
至敵所將戰大史卜戰日卜右御戰日將帥陳列
車甲卒伍於軍門之前有司讀誥誓使周定三令

五申既卒遂禱戰祈克於上帝然後即敵將士戰
全已克敵使擇吉日復禡於所征之地柴於上帝
祭社奠祖以告克者不頓兵傷士也戰不克則不
告也 凡類禡皆用甲丙戊庚壬之剛日有司簡
公行賞不稽於時其用命者則加爵受賜於祖奠
之前其奔北犯令者則加刑罰戮於社主之前然
後鳴金振旅有司徧告捷於時所有事之山川
既至舍於國外三日齋以特牛親格於祖禡然後

入設奠以反主若主命則卒斂玉埋之於廟兩階間反社主如初迎之禮舍奠於帝學以訊馘告大享於羣吏用備樂享有功於祖廟舍爵策勲焉謂之飲至此天子親征之禮也 祈勝之禮命勇謀之將以禦敵先使之迎於敵所從來之方為壇祈克乎五帝衣服隨其方色執事人數從其方之數牲則用其方之牲祝史告於社稷宗廟邦域之內名山大川君親素服誓衆於太廟曰某人不道侵

犯大國二三子尚皆同心比力死而守將帥稽首

再拜受命既誓將帥勒士卒陳於廟之右

陳去聲

君

立太廟之庭祝史立於社百官各警其事御於君
以待命乃大鼓於廟門詔將帥命卒習射三發擊
刺三行告廟用兵於敵也五兵備效乃鼓而出以
即敵此諸侯應敵之禮也

漢高祖起兵為沛公祠黃帝祭蚩尤於沛庭而釁鼓

武帝元狩四年大將軍衛青將軍霍去病伐匈奴至幕

北園單于斬獲虜首七萬級封狼居胥山乃還

師古曰
登山祭

天築土為封刻石

紀事以彰漢功

元鼎五年帝為伐南越告禱於泰一以牡荆畫幡日月

北斗登龍以象泰一三皇為泰一鉶旗

注見祭
星門

命曰靈

旗為兵禱則太史奉以指所伐國

漢祀令天子行有所之出河沉用白馬珪璧各一衣以
繒緹五尺祠用脯二束酒六斗鹽一升涉渭灞涇洛他
名水如此者沉珪璧各一律在所給祠具及行沉祠他

川水先驅投石少府給珪璧不滿百里者不沉

漢儀立秋之日自郊禮畢始揚威武斬牲於東門以薦
陵廟其儀乘輿御戎路白馬朱鬣躬執弩射牲牲以鹿
麋太宰命謁者各一人載以獲車馳送陵廟還宮遣使
者齎束帛以賜武官武官肄兵習戰陣之儀斬牲之禮
名曰驅勅俱反劉兵官皆肄孫吳兵法六十四陣既還公
卿以下陳雒陽前街乘輿到公卿以下拜天子下車公
卿親識顏色然後還宮古語曰在車下車則惟此時施

行漢世率以為常至獻帝建安二十一年魏國有司奏古四時講武皆於農隙漢西京承秦制三時不講惟十月都講今金革未偃士衆素習可無四時講武但以立秋擇吉日大朝車騎號曰閱兵上合禮名下承漢制奏可是冬閱兵魏王親執金鼓以令進退

按古者天子之巡狩也出則類祭反則告至其征伐也出則類禡入則振旅皆有事於天地祖宗其禮至不輕也自漢而後則無聞焉惟巡狩所至則

祠其名山大川而講武之祭則只於平時教閱之際行之至於征伐則亦無治兵振旅之禮矣

魏文帝黃初元年七月將東巡以大軍當出使太常以特牛告南郊

梁武帝時禮官司馬筠議自今大事遍告七廟小事止告一室於是議以封禪南北郊祀明堂巡省四方御臨戎出征皇太子加元服寇賊平蕩築宮立闕纂戎戒嚴合十一條則遍告七廟講武脩宗廟明堂臨軒封拜公

王四夷款化貢方物諸公王以憊削封及詔封王紹襲合六條則告一室帝從之

後齊天子親征纂嚴則服通天冠文物充庭有司奏更衣乃入冠武弁左貂附蟬以出誓訖擇日備法駕乘木輅以造於廟載遷廟主於齋車以俟行次宜於社有司以毛血釁軍鼓載帝社石主於車以俟行次擇日陳六軍備大駕類於上帝次擇日祈后土神州嶽鎮海瀆源川等乃為坎盟督將列牲於坎南北首有司坎前讀盟

文割牲耳承血皇帝受牲耳徧授大將乃寘於坎又歆
血歆徧又以寘坎禮畢埋牲及盟書又卜日建牙旗於
壇祭以太牢及所過名山大川使有司致祭將屆戰所
卜剛日備元牲列軍容設柴於辰地為壇而禡祭大司
馬奠矢有司奠毛血樂奏大護之音禮畢徹牲柴燎之
戰前一日皇帝禱祖司空禱社戰勝則各報以太牢賞
用命戰士於祖引功臣入旗門即神庭而授版焉又罰
不用命於社即神庭行戮訖振旅而還格廟詣社訖擇

日行飲至禮文物充庭有司執簡紀年號月朔陳六師
凱入格廟之事飲至策勲之美因述其功不替賞典焉
隋制行幸所過名山大川則有司致祭嶽瀆以太牢山
川以少牢親征及巡狩則類上帝宜社造廟還禮亦如
之將發輒則輒祭其禮有司於國門外委土為山象設
埋塹有司剝羊陳俎豆駕將至委奠幣脯醢加羊於輶
西首又奠酒解羊并饌埋於塹駕至太僕祭兩軹及軌
前乃飲授爵遂轡輶上而行

開皇八年以伐陳有事於太廟帝親餞將士陳師誓衆
九年四月帝幸驪山親勞旋師諸軍凱入獻俘於太廟
煬帝大業七年征遼東亦行類帝宜社之禮

唐高祖武德元年秦王平薛仁果凱旋獻俘於太廟
二年秦王破宋金剛復并州地凱旋獻捷於太廟

四年秦王平東都被金甲陳鐵馬一萬甲士三萬俘王
世充竇建德及隋神器輦輅獻捷於太廟

太宗貞觀四年李靖俘頡利可汗獻捷於太廟

高宗總章元年以高麗平獻俘於含光殿大會李勣及部將以下獻俘於昭陵乃備軍容奏凱歌於京城獻於太廟以後征四夷討叛臣有功皆獻俘太廟

儀鳳二年太常以仲春告祥瑞於太廟高宗令禮官徵求故實太常博士賈大隱對曰古者祭以首時薦用仲月近代相承元日奏祥瑞二月然後告於廟蓋緣告必有薦便於禮也又檢貞觀以來勅令無文禮司因循不知所起上令依舊行焉

宋太祖皇帝建隆元年四月太常禮院言車駕征潞州
出宮日請遣官告天地太廟社稷城門外輓祭用羝羊
一所過州府河橋及名山大川帝王名臣陵廟去路十
里內者各令本州以香祭告從之六月平澤路及車駕
還宮皆遣官奏告天地太廟社稷仍祭祓廟泰山廟城
隍廟

其年十月征揚州及太平興國四年征河東並用此
禮

古者天子巡狩出征有親告宗廟之禮宋朝因之故
幸西京封泰山祠后土謁太清宮皆親告太廟三歲
皇帝行郊祀及每歲祈穀上帝祀感生帝雩祭祀方
丘明堂大饗祭神州地祇祀圜丘並遣官告祖宗配
侑之意他大事自祖宗以來登位改名上尊號改元
立皇后太子皇子生納降獻俘親征籍田朝陵肆赦
河平大喪上謚山陵園陵祔廟皆遣官奏告天地宗
廟諸陵及告社稷嶽瀆山川宮觀在京十里內神祠

其儀用犧樽豆籩各一

實以酒脯醢宮觀以素饌時菓

祝版幣帛行

一獻禮

乾德三年太常禮院言孟昶到闕日請差官奏告太廟社稷從之

開寶四年平廣南劉鋹赴闕奏告如孟昶例

太宗太平興國四年五月詔遣直史館石熙古還上都以平晉告宗廟七月劉繼元至命宰臣薛居正攝太尉行告廟禮遣通事舍人薛文寶引繼元及偽命官以獻

太平興國五年十一月太常禮院言車駕北征請出宮前一日遣官祭告天地於園丘其禮特牲太廟太社太稷壇用太牢望祭五嶽四瀆名山大川於四郊礫風於風伯壇祀雨師於本壇禱馬於馬祖壇祭蚩尤及禡牙於北郊並用少牢祭北方天王於北郊迎氣壇用香柳枝燈油乳粥蘇蜜餅果從之仍遣內侍一人監祭

真宗咸平六年車駕北征亦用此例

景德元年上封事者言按開元禮儀鑑云車駕行幸路

次有名山大川去三十里內則祭之名臣十里內則祭之今朝陵有期緣州縣所記山川祠宇名多偽俗望委禮官先檢詳事跡以聞可下太常禮院禮院言同開封府孟鄭州所供山川神祠除京城神祠舊係祀典者今約定祠宇請下逐州差官依禮致祭從之

哲宗元祐二年九月熙河路經畧總管司擒西蕃大酋領鬼章以獻詔差左諫議大夫孔文仲告永裕陵

高宗紹興六年八月太常寺言車駕巡幸建康進發前

二日遣官奏告天地宗廟社稷應臨安府載在祀典神祇出國城日輒祭用羝羊祝文并致祭沿路橋梁十里內神祠名山大川從之

三十一年詔金人敗盟朝廷興師合奏告天地宗廟社稷令太常寺條具

尋具到合奏告天地社稷九宮貴神五福十神泰一差宰執宗廟差親王諸陵攢官差宗室節度使及正佐以上行奏告禮及遣官祭告蚩尤馬祖北方天王

五嶽四瀆名山大川并令招討使行禡祭之禮並從之

寧宗開禧二年五月以興師北伐奏告天地宗廟社稷
宮觀九宮貴神五嶽四瀆風伯雨師北方天王馬祖蚩尤

二年三月吳曦叛逆就誅奏告天地宗廟社稷

文獻通考卷八十九